

# LIBAKA LENI LWANISEZA

## BULAPELI BOBU ONGAONGILWE



Ni itumezi, Muzwale Neville.

Mwakona kuina. Pili, Ni bile ya patehile hahulu kacenu kufitela Ni palelwa kutalimana ni lipizo zeñwi za makulano. Nekuna ni batu babañwi mwa litaba za kwa mukunda ba ku lapelela, bo ne Ni swanela ku kopana ni bona. Kono cwale zeñwi za . . . zeñwi za lipizo zani, Ni lumela Billy na bulezi kuli nelizwa kwa Canada, libana zepeli kamba zetalu zeshutana. Cwale, ba taha kwanu, mwa ziba, ni kuina mwa mahotela ni mwa libaka za ma motela ka nako kaufela. Mi Ni yo kopana ni bona, ni ba katanyeza ni kuba lapelela kuzwa kai ni kai kuzwa mwa lifasi kaufela, ni Asia, Europe ni kwa libaka kaufela. Zazi ni zazi, ha lu li kwanu, sicaba sa tahanga. Kuna ni babañata baba fitelela mianda ye silezi fa mukoloko, baba libelezi kuli . . . kube lipuzo za kwa mukunda, mi kacwalo sitisa fela butata ku zona. Kono sicaba se si kula hahulu ni litaba za putako ze lukela ku lapelelwa, kiñi, Ni likanga ku kopana ni bona.

<sup>2</sup> Fela, kihande, kuzwa fo Ni bezi kwani ni ba katengo ka basepahali, fa taba nyana yene lusweli kuteeleza ni basepahali kwanu kwa keleke, neluna ni ku kopana fa nako nyana yefitile. Mi ka yona nako yani na liyeha luli mwendi hola ni licika cwalo, mi nekuna ni batu bene ba lukela kuba mo ka nako yani kuli ba lapelelwe. Haiba bateni mo, Ni tabela kuba ni ku ba lapelela ka nako ye. Kacwalo, haiba baka kona, batu bani bene ba lukela ku lapelelwa, kihande, haiba ba ka taha fela cwale mulizi wa piano, kamba ki mañi kaufela, atahе mi—mi alufe munembo nyana wa kuli “Ñaka yomutuna cwale ufa kaufi, ki Jesu ya sishemo.” Cwale bani baba lukela ku lapelelwa, haiba ba kona, neli babakai bani ha Ni sa ziba. Mi mina mu mizwale, Na sepa. Mizwale, Ni katazehile hahulu mwa mubili waka. Jesu na lwezi mwa mubili wa Hae, manyando, kuli Akone kuba Muyemeli ya swanela, kakuli Yena ka kuba Mulimu ya ezizwe nama Na konile kunyanda. Na utwa butuku bwa matuku. Mi kona za Na tezi ku to fa swalelo. Mi ku se A laela Keleke ya Hae kuli i zwelepili musebezi wa Hae.

<sup>3</sup> Mi Ni na—Ni na ni likute lelituna kwa sikwata sa bapazuli ba milyani, baba ziba kupazula ni babañwi cwalo, yena—yena yana nani litalenya zeo Mulimu a mufile kuezeza zeñwi kwa mubili, kupazula ni ku kumula meno a sa bolile, ni zeñwi cwalo. Na itumela ka seo. Kono kuna ni nako ha li fitelezi ngana ya—ya bona, ha—ha ba zibi sa kueza. Mwabona? Mi Ni nahana kuli,

konakuli, luna ni tukelo ye petehile, sina hane lukaba ni yona ku za nama, ha ne lu kaya ku dokota wa mwa lubasi, mwendi ki—ki dokota ya fumaneha kwa matakanyani, dokota yomunde ya lwezi lumonyi ni kuzamaya mwa simu busihu, kuli a ku fumane, a ku alafe. Mi haiba apalelwa kuziba, u ka ya ku yomuñwi ya fahalimu nyana kufita yena. U ka ku lumela ku mualafi ya ziba hande ya bukwala. Mi cwale haiba mualafi ha zibi, Ni—Ni tabile kuli luna ni sikwala yomuñwi, Ñaka yomutuna.

<sup>4</sup> Mi Ha palelwi, Yo kwateni hapalelwi, kakuli Yena ki Mubupi Kasibili. Mi U lu ezelize nzila. Cwale, haiba kuna ni mata kaufela a kufolisa kuna a kueza lika zeo, Ni—Ni kona kutaha kutaha ku to eza cwalo. Ni—Ni kona fela kutabela kueza cwalo. Kono, kakuba mata a kufolisa, Hanina ona, hakuna mutu ya na ni mata a kufolisa. Kono lu lumilwe, mwabona, ki Kreste, ku to lapelela bakuli, Ya kenyize kale mwateni mata a folisa. Mwabona? Mi lusweli fela kutaha, sina mo lu kona kubulelela, ku to ñola pampili ku yona. “Mi kaufela se mu ka kupa Ndate ka Libizo la Ka,” yani ki ceke yesika ñolwa sesiñwi, “kaufela se mu ka kupa ku Ndate ka Libizo la Ka, Ni ka si eza.” Ha ki sepi so ni yeo! Ha ku koni kupala. Mi Ni tusize mizwale ni likezeli, mwahala lifasi kaufela, kubeya lika zeo mwateni. . . kamba kuzwisa zeo mwateni fa Panga ya Mulimu, fa Mali a Jesu Kreste. Mi mane ki lika zende luli. Kaufela li lifilwe shangwe, mi bakeñisa kuli masheleñi sa beilwe kale mwateni, mwa bona. “Na—Na—Na *holofalezi* bumaswe bwa luna, ka miupa ya Hae lu folisizwe *kale*.” Mwabona, ku felile. Mi lutabile busihu bwa kacenu ka tumelo ya mina.

<sup>5</sup> Ni lumela kuli Billy na ni bulelela muzwale alimuñwi ya zwa kwa Canada kamba kokuñwi. Mi kana ku cwalo? Ki wena muzwale yazwa kwa Canada? Mi—mi u zwelela kai, muzwale? [Muzwale uli, “Kwa mutulo fela wa Fort Wayne, mwa Kendallville.”—Mu.] Kendallville, Indiana, kuzwa kwa Fort Wayne. Ne ni nyezi kwa Fort Wayne. Na hupula handende. Ne ni na ni mikopano yemiñata kwani kwa Rediger Tabernacle. Ni sepa mwa ziba ko li fumaneha. Mi Na hupula, kakuba mushimani yomunyinyani, inge ni inzi kwa mahutu a Paul Rader, mwa Rediger Tabernacle, kakuba fela mukutazi yomunyinyani ya sa ituta. Ki muuna yomutuna, Muzwale Paul nali cwalo, mi ni Muzwale Rediger nali cwalo, baana ba tumelo. Moyo wa bona u katuluhe busihu boo. Mi cwale, sina hane Ni li mushimani yomunyinyani, Ni lika kufiteleza ku ze ba siile, sa na siile Jesu kwa Keleke ya Hae ku shetumuka cwalo.

<sup>6</sup> Cwale, ka tumelo kaufela ye Ni nani, Ni taha ku to mi lapelela. Mi Ha—Ha ni tahi ka sipundumukela fela. Halu lati ku talimana taba ye ka nzila yeo. Batili, yeo ha ki niti. Lwa taha, lu lumela kuli lu ka amuhela ze lu kupile, mwabona, ka kuziba kuli Mulimu u li sepisize. Mi lu taha ka sepo mwa lipilu za luna kuli Kreste na file sepi so, mi mina mizwale mulikile kubeya tumelo

ya mina fa aletare, mu ezize kaufela ze mukona, Ni taha ku to yendeka aka hamoho ni mina busihu boo. Mwabona?

<sup>7</sup> Mi, cwale, luna ni aletare yetuna ye otolohile mwa mbyumbyulu kaufela, mi ona fa aletare fani kubeilwe ni Sitabelo sa luna, yena Mwana Mulimu. Mwabona? Kona Sitabelo se si lota mali sani luli. Mulimu hakoni kotalima ku seo kusina ku Si kuteka, mwabona, kakuli Leo ki Linzwi la Hae, “Yo ki Mwana Ka ya latwa, mu Mu utwe.”

<sup>8</sup> Ni ka kupa Muzwale Neville, yomuhulu wa luna, haiba uka taha kwapili cwale nina hanze luya. Ni bata keleke kaufela . . . Kucwani haiba yo ki muzwale wa hao, muuna hao, mwana hao, ki ndataho? Ki mutu wa batu, muhupule. Kifo, ka busepahali kaufela bo lunani, lu atumele Mulimu cwale ka mizwale ba.

Halu inamiseñi lito ho zaluna.

<sup>9</sup> Ndate ya Musa yakwa Lihalimu, lutisa Fapila Hao cwale, ka aletare ya sishemo, ni ha lu ka yema fa sipula sa mabala, ka mo ku inezi, fa lifasi fa, kono tumelo yaluna i nanuhezi mwahalimu kwa kutuka kokutuna kwa mwabuse, koo Jesu (Munko onunka hande fapila Mulimu, ona Sitabelo sa Mali kuzwa kwa Kalvari) Yena ya komile matuku kaufela, makulano kaufela, lifu, lihele, ni libita, ni kuzuha hape ni ku kambamela kwa Lihalimu, ku yo ina kwa lizoho la bulyo la Bulena bwa Hae. Mi luna, ka tumelo, lwataha, lu nanuha kutaha fa muhau wa Mulimu, kubulela fa aletare ye, ku Mubupi yomutuna wa Lihalimu ni lifasi, “Lu amuhele, Mulena, halunze lu atumela ka Libizo la Mulena Jesu.”

<sup>10</sup> Ki ba fa mizwale ba luna, mi alimuñwi wa bona kuzwa koo kwa Fort Wayne, mo mwa litolopo za states, ni zeñwi kwa kuzwa kwa Canada kulo kwanu, lutaha ka nako ye kutekeha yee. Ki mwahala lifu ni bupilo, Mulena. Ki ba fa baana bababeli, ibo ki sebelezo nyana, ye siyezi ku bona ka Wena, Mulena, masole bababeli, Bakreste baba lumela ku Wena. Mi sila u kunupile lisho, mi sifanu sani si natile fokuñwi mwa mubili wa bona, mi ba kutile, kukutela kwa sipatela sa sishemo sa Mulimu, kwa kukutisana lipilu, ka foliso, kuli bakone kotalimana ni ndwa hape, ni tebe ye nanuhezi mwa halimu, kuya kwa ndwa. Batile ku to kopana ni sikwata sa balwani ba litapelo hamoho ni luna, Mulena. Mi lu yo katanyeza sila.

<sup>11</sup> Ka Libizo la Jesu Kreste, ba tamuluhe. Lwa ku kalimela ka Libizo la Jesu Kreste, ha ba lukuluhe.

<sup>12</sup> Ki lindwalume za ndwa. Mi, kakuba mutanga Hao, Ni ya kwapili cwale ku yo ba beya mazoho, ka tumelo, ni ku kulumela kuli, “Lisupo ze li ka latelela baba lumela,” kwa bulela Mulena luna, yena Kapitao Yomutuna wa ndwa, “ha ba ka beya mazoho fa bakuli, bao baka foliswa.”

<sup>13</sup> Se Ni eza ka Libizo la Jesu Kreste. Mi cwale mata a matuku a tamile mubili wa muzwale yo, mu tamuluhe, ka Libizo la Jesu Kreste.

Mata a matuku a tamile mubili wa muzwale yo, mu tamulule. Ka Libizo la Jesu Kreste, ha funduke.

<sup>14</sup> Mulimu Yamata kaufela, Mubupi wa Lihalimu ni lifasi, Mukalisi wa Bupilo bwa kamita, ni Mufani wa mpo yende kaufela, tisa limbuyoti za Hao fahalimwa bona be lu fuyozi. Mi ku ñozwi mwa Mañolo, kuli, “Ha mu ka bulelela lilundu leo kuli, ‘Shenya,’ mu sa kakanya mwa lipilu za mina, mu lumela kuli se mu bulezi si ka ezahala, mwakona kuba ni se mu bulezi.” Ni lumela kuli butuku bwa bona bu zwile mwa mibili ya bona. Cwale se ku bulezwi; cwale ha ku ezahale. Amen.

<sup>15</sup> Ka Libizo la Mulena Jesu Ni lumela kuli u lukuluhile. Ka Libizo la Jesu Kreste Ni lumela kuli u lukuluhile. Amen.

Kana keleke ya lumela ona cwalo? [Kopano ili, “Amen.”—Mu.] Konakuli ha li ezahale.

<sup>16</sup> Cwale, kana kuna ni babañwi mo baba ka tabela fela kuhupulwa mwa tapelo, mu nanule mazoho a mina? Ku lukile, ha lu Mu atumeleñi cwale hamunze mu beya mazoho ku yomuñwi ni yomuñwi kwande kafo. “Lisupo ze li ka ba latelela ba balumela.”

<sup>17</sup> Mulimu ya kenile kufitisisa, ka tumelo lwa bona Jesu, lwa Mu lumela kuli uyemi ona mo. Wa tokomela Linzwi la Hae. Mi Na ize, “Kaufela ko ku kopani bababeli kamba kufitelela ka Libizo la Ka, Ni mwahala bona.” Cwale, Ndate yakwa Lihalimu, lumeleza mata a Mulimu Yamata kaufela aswale sicaba se, Mulena, sina ha ba swalani mwa mazoho a yomuñwi ni yomuñwi, ku kambekana ku yomuñwi ni yomuñwi. Tumo ya mafelelezo yo No bulezi kwa Keleke kuli, “Lisupo ze li ka latelela baba lumela. Ha ba ka beya mazoho a bona fa bakuli, bao baka ba . . . bao baka foliswa.” U li sepisize cwalo, mi lwa lumela cwalo. Kacwalo cwale ku ezizwe, mi lwa Ku lumba ka zona, ka Libizo la Jesu Kreste. Amen.

<sup>18</sup> Mi ka Libizo la Jesu Kreste mi cwale mata a Mulimu atoze litaulo ze kwa bakuli ni baba tokwile. Mi ha nze li lumiwa kwande kwa bakuli, ha li ezahale kuli ba foliswe. Lu bala mwa Bibeke kuli ne ba ngile ku Mulumiwa Paulusi, za litaulo, masila; mioya ye masila ne izwa mwa sicaba, ni matuku na foliswa. Mi, Ndate, lu ziba kuli ha ki luna bo Mulumiwa Paulusi, kono lu ziba kuli wena U sa li Jesu. Mi lu lapela kuli U alabe kupo ye kwa kanya ya Hao. Amen.

<sup>19</sup> Ha ni zibi kamba kuna ni . . . matepu a sa liteni kale, kamba nee. Kana atukile? Haiba hasika tuka, Ni tabela kuli ba a tukise ka nako ye cwale. Ni lumela kuli fa kutukiseza ki fahalimu. Cwale, Ni sepa kuli ha Nina ku mi katalisa busihu boo. Ni kala ka licika la hola cwalo kamba mizuzu ye mashumi amalalu ka yeketalizoho ka kuitahanela. Mi Na . . . Ki tuto ya sikolo sa la Sunda, mi Ni hupuzi kuli mwendi hakulata ikaba hande kuli Ni tepiñe taba yeli fa pilu yaka ye. Mi lubata kukena mwa—mwa kalulo yenca, tabernakele yenca, kaufela ki zenca.

<sup>20</sup> Mi cwale Ni tabela kubala Mañolo nyana cwalo. Haiba mina sicaba mutabela kubala ni na, Ni bata kubala ku Samuele Wapili, kauhanyo ya 8, mi lu bata kukala ka timana ya 4 ku isa fa timana ya 10; mi cwale, ka kubuluka nako, fa 19 ku isa fa 20. Mi Ni na ni zeñata nyana za Mañolo ni litaba zeñozwi faa kwa kuswanisisa, kuli haiba mina sicaba mu na ni potoloto, kamba nto yeñwi, pampili, kuli mutabela ku swanisisa ku ze kamba ku iñolela zona, mwakona kuba ni zona, kamba, Bo. Maguire ba kaba ni—ni—ni tepu.

<sup>21</sup> Mi Ni bata tepu ye kuli iambole kwa bakutazi, mizwale baka, bakutazi baba palezwi ku ni utwisisa, sihulu mizwale ba likeleke za likopano. Mi buñata bwa bona ki ba likopano.

<sup>22</sup> Mi tuto yaka busihu boo kikuli: *Libaka Leni Lwaniseza Bulapeli Bobu Ongaongilwe*. Mi Ni ka bala cwale ka kukala, kamba palo ya Mañolo, kuli ibe ya Mañolo hande, Ni bata kubala kuzwa mwa Samuele Wapili 8:4-10, ni 19-20. Kwa sicaba saka se si bonahala, Ni sepa kuli ha mu kaya kwa mandu mu ka ñola Mañolo ao ni ku a bala ka tokomelo. Mi kwa mizwale baba ka teezeza kwa tepu, Ni sepa kuli ni mina hamuna kutima fela tepu haiba sesiñwi si bulelwa mwendi ki se mu sa lumelelani ni sona, kono mubate Mulimu ku zona, mubone haiba ki sa Mañolo. Ni sepa kuli lu na ni sikoloti kwa Liñusa la lizazi le.

<sup>23</sup> Ni lumela kuli likeleke kaufela lina ni Bakreste ku zona, mi mane ha Ni buleli ka ku lwanisa Bakreste. Kono libaka le Ni ezelize ze Ni ezize, ni kubulela ze Ni bulezi, ki bakeñisa susumezo ya Moya o Kenile fa Linzwi.

<sup>24</sup> Cwale ha lu baleñi mwa Samuele Wapili, kauhanyo ya 8, kukala ka timana ya 4, ni kubala timana ya 10, hamoho, pili.

*Cwale babahulu kaufela ba bana ba Isilaele ba kopana, ba taha ku Samuele mwa Rama,*

*Ba mu bulelela bali, Wa bona, so hulile, mi bana ba hao ha ba zamayi. . . ha ba zamayi mwa mutala wa hao: cwale u lu batele mulena ya ka lu atulela sina mwa ezezwa macaba kaufela.*

*Kono taba ye ya swabisa hahulu Samuele, ha ba li, U lubatele mulena kuli ano lu atulela. Mi Samuele alapela MULENA.*

*Mi MULENA ali ku Samuele, U utwe linzwi la sicaba mwa litaba kaufela ze ba ku bulelela: kakuli ha ba hani wena, kono ba hanile na, kuli Ni si ke na ba mulen'a bona.*

*Mo ba ezelize mwa linto kaufela haisali Ni ba zwisa kwa Egepita kufitela mwa lizazi lona lye, ba nze ba ni fulalela, mi ba sebezeza milimu isili, ki mo ba ku ezeza ni wena.*

*Mi cwale u utwe linzwi la bona: nihakuli cwalo u ba nyaze, u ba taluseze puso ya mulena ya ka ba busa.*

*Mi Samuele ataluseza manzi a kamukana kwa sicaba se si kupile MULENA ku yena.*

- 25 Cwale timana ya 19 ni 20 kuisa ka kufeleleza.

*Nihakulicwalo sicaba sa hana ku utwa linzwi la Samuele; sa li, Batili; kono lu kaba ni mulena ya lu busa;*

*Kuli luswane sina macaba kaufela; ni kuli mulema luna ki yena ya kalu atulela, mi a lu. . . zamaye kwapili, a zamaise lindwa zaluna.*

- 26 Mulena aekeze limbuyoti za Hae kwa palo ya Manzwi a Hae. Cwale, kakuba sitopa sa sikolo sa la Sunda, Ni tabela kubulela kuli lu bata kulika kuba ka—ka tokomelo luli kwa Linzwi.

- 27 Mi lu ziba kuli—kuli linako zeñwi litaba za bulelwanga, (mi likeleke zeñwi cwalo), ze sitatalisa yomuñwi ya lutilwe ka kushutana ku sa bile. . . a tteezanga. Ka mutala, muuna yomuñwi na ni bulelezi zazi leliñwi, ya li mulikana ka yaliteni mo cwale, mi ali, “Ha u bulela kuli, Muzwale Branham, ka tumelo yeñata fela ye Ni nani ku wena, ni kulumela, ha no bulezi kuli hakuna ‘lihele la Kuyakuile,’” ali, “Ne ni bata ku mwa sipula saka. Mi se Nili, ‘Kaniti muuna yo u lyangani.’” Mi cwale ali, “No lu yemimize fa nako yetelele lwali kuyema. Mi cwale so li, ‘Kuna ni fela mufuta ulimuñwi wa Bupilo Bobusafeli, mi bwani bu zwelela ku Mulimu.’” Mi zeo kona ze lubata kaufela, mwabona.

- 28 Mi hakuna Liñolo le li bulela kuli kuna ni lihele la Kuyakuile. Kakuli, Kuyakuile hakuna makalelo, mi hakuna kuba ni mafelelezo. Kacwalo Bibeke iize “lihele ne li bupezwi diabulosi ni mangeloi a hae,” kona kuli ha ki la Kuyakuile. Neku na ni nako fo ne kusi cwalo, mi ku kaba nako fo li si ke la ba teñi, hape. Kono bakona ku kashezwa mwateni, mwa mulilo ni sulufula, ni misima ya mulilo, ka linako zesina maungulo, kono kwa nalulelule li ka fela kuli lihele ha ki la Kuyakuile. Mi haiba ne kuna ni lihele la Kuyakuile, ne mu lukela kuba ni Bupilo Bobusafeli kuli mupile mwa lihele la Kuyakuile. Mi haiba ki la Kuyakuile, nelibanga ona cwalo kamita, mi noli kulona kamita mi nako kaufela no li mwa lihele ona cwalo. Mwabona, kacwalo hakuna sika se si cwalo.

- 29 Kacwalo, mwa bona, *Kuyakuile* ki kuli “kwali kuba kubei makalelo kamba neba mafelelezo.” Mi kuna ni fela mufuta ulimuñwi wa Bupilo Bobusafeli, mi bwani bu ku Mulimu, lizwa kwa linzwi la Sigerike la *Zoe*, ili kutalusa kuli “Bupilo bwa Mulimu Kasibili.” Mi ha lu pepilwe sinca ka Moya wa Mulimu, luba ba Kuyakuile ni Mulimu, kakuli luna ni siemba sa Bupilo bwa Hae, ye lu eza kuba bana ba bashimani ni basizana ku Mulimu, konakuli luna ni Bupilo Bobusafeli. Mi Bupilo bo buli ku luna, Mulimu uka zusa mubili ka Bupilo ka lizazi la mafelelezo, kono ki Moya wa Mulimu oli ku luna o zuha, kakuli

ki Moya wa Kreste onoli ku Kreste, ye fa mata kwa mibili ya luna ni ku lu zusa hape, ni Yena, kuina mwa—mwa—mwa Kanya ni kubusa ni Yena.

<sup>30</sup> Cwale kwa tuto, cwale, Ni se ni fitile mwahala myaha ye, mi tabernakele ye iyemi. Niha, Ne ni beilwe fa bukutazi mwa keleke ya Missionary Baptist, ki Dokota Roy E. Davis, mwendi seli myaha ye mashumi amalalu ni zetalu kwa mulaho, ona mwa Jeffersonville mo. Cwale Na, kuzwelela ona fani, Ne nili mwa kopano nako yekuswani fela, likweli nyana, kufitela sesiñwi si taha sene si si ka mañolo ka keleke, mi Na mu bulelela kuli ha Ni koni kuya ka sani. Mi kacwalo Ne nili cwalo, kakuli, ne ni kupilwe kuli “kueza cwalo kamba nto isili,” mi Na eza nto isili. Kacwalo yeo ki nto ilinwi ye Ni lumela, kuli le ki Linzwi la Mulimu. Mi se Nili ku muuna yanali—nali muluti wa caziba, “Haiba uka ni bonisa seo mwa Linzwi la Mulimu!”

“Kono neli cwalo,” a li, “yeo kona tuto ya luna.”

Se nili, “Kono Ni bata kuli izwe mwa Linzwi, mwabona, Linzwi la Mulimu.”

<sup>31</sup> Mi isi kuli ha Ni wa kwa neku la kopano ha Ni bile ni lwanisa kopano, kakuli Na itumela kwa mizwale yaka, ku bao Ni ambola kubona kacenu, bao Ni na memilwe teñi, Na sepa, mane ikona kuba likopano kaufela, sihulu mwahala ba Full Gospel, mane neba mwa likeleke zeñwi zeñata. Ni kupilwe kuli ni ye mwa kopano ya bona ni yo ikopanya ni bona, kono Ni pilile ka ku icemela. Kakuli, susumezo ye Ni nani, ha Ni swaneli ku i yendeka fa sikwata silisiñwi. Ni lakaza kubeya seo Mulimu ani file, tapelo ya bakuli, kuba yetusa nyangela ni ndopu ya bana ba Mulimu mwa kopani ifi kaufela. Ha sika ni buza sika kuli ni lapele, kamba *kuyo* fa kakuli ki wa siemba sa *Kuli-ni-kuli*, Mulimu u atula pilu ya mutu.

<sup>32</sup> Mi cwale, ka kukala, libaka le Ni sa fumanehi kubona ni ku bulela ka ku ba lwanisa, kikuli, pili, kakuli ha Ni lumeli kuli kopano ya Bukreste ki ya Mañolo. Ni lumela kuli ha ki za mañolo. Mi kona ha Ni ka lika, busihu boo, katata ka sishemo sa Mulimu, ku mi bonisa hande kuli ha ki za mañolo zeo, halina mañolo a li yemela kuli libeteñi likopano.

<sup>33</sup> Cwale, nako yapili, lu ibiza kuli “bulapeli.” Linzwi la kuli *bulapeli* ki “sapalo,” kotalusa kuli ku apesa sika. Cwale, Adama nana ni bulapeli, kono na ipanezi bona iliyena, ka matali a feiga, mi ne bu si ka beleka. A ikezeza tuto ya hae fela mi alika kuitahela ni nzila ya kubaleha ka yona, kuli afumane puluso ku sesiñwi sa na ikezelize, mi Mulimu a li hana, kuzwa ku Adama kuya ka buino bwa kopano ya mafelelezo. Kwali kuba, mi ka sishemo sa Mulimu lu ka libonahalisa kacenu ka Bibebe. Bulapeli neli sapalo. Adama na ikezelize iliyena siapalo sa matali a feiga, a sipanga, yena kasibili, kulika kueza sesiñwi yena muñi.

34 Kono Mulimu na bata lifu, neli tifo. Cwale, kuna ni shutano yetuna mwahala bulapeli ni puluso, mwabona, puluso. Bulapeli ki sapalo. Mwabona? Puluso ki Kupepwa, ki mpo ya Mulimu. Puluso ki Kupepwa, ki mpo ya Mulimu, mi haikoni kufiwa ki mutu ufi kaufela kamba sikwata sifi kaufela sa batu. Ki mutu anosi yo Mulimu atisa mpo ye ku yena. Mi limpo za Bupilo Bobusafeli ze ne li lukisizwe ki Mulimu ku mutu ni mutu mane lu si ka ba kale ni lifasi, foo ki kuya ka Mañolo. Bibebe ibulezi cwana, mwa Sinulo, kuli antikreste yana lukela kutaha mwa lifasi, u ka puma kaufela baba yahile mwa lifasi, be mabizo a bona ha si ka ñolwa mwa Buka ya Bupilo ya Ngunyana ku si kaba kale mutomo wa lifasi. Mwabona? Mulimu, ka kuziba kwa Hae kwa makalelo, na boni ya na ka taha ni yasike kutaha, Kreste ataha ku to lukiseza nzila bona babane ba ka taha. Mwabona, inza ziba babañwi.

35 Haiba Ki Mulimu, kanti, U na ni kuba ya sa feli. Mi haiba Yena hafeli, Hakoni kuba yasafeli kusina kuba ya mata kaufela. Hakoni kuba ya mata kaufela kusina kuba kai ni kai. Hakoni kuba kai ni kai kusina kuba ya ziba lika kaufela. Kacwalo, mwa bona, kaufela zeo li Mu eza kuba Mulimu.

36 Kacwalo, Na ziba mafelelezo kuzwa kwa makalelo. Na ziba ya na ka lumela ni yasike kulumela, mi Na ziba kuli nekuna ni babañata bene ba ka eza cwalo, kacwalo A luma Kreste ku to ba tifo ya bene ba ka taha. Cwale, hakuna se lukona kueza se si na ni za kueza ni zona. Jesu naize, “Kaufela bao Ndate a Ni file,” ufile, tensi yakale, “ba ka taha ku Na. Mi hakuna mutu yakona kutaha konji Ndate Luli amubize.” Mwabona? Cwale, mwabona, kaufela zona liinzi mwa zibo ya Mulimu.

37 Mu li, “Muzwale Branham, kana Ni keni?” Ha ni zibi. Ni sepa kuli Ni teni. Lu sebeleze piliso yaluna bañi ka sabo ni ku ngangama. Cwale, Keleke i tomilwe kale ku yo katanyeza Mulimu kusina litiba kamba nyazo. Cwale, haiba lu mwa Keleke yani, lu lemuhilwe kale ka Keleke yani. Cwale munitatube ili mina ka Linzwi, konakuli mwakona ku tatuba butelele bwa fo lu inzi.

38 Cwale, cwale, Bukreste bwa likopano habukoni kufa sepiso yeo. Batili. Babañwi ba bona bali, “Mu tahe mi mubulele kuli Jesu ki yena Kreste mi mu kolobezwe mwa keleke.” Diabulosi ueza lika zeswana. Wa lumela, yena kasibili, kuli Jesu ki yena Kreste, mi wa ngangama. Mwabona, yeo ki niti.

39 Mulimu a si ka laela, hakuna nihaiba sibaka mwa Mañolo, kuli ku be kopano ifi kaufela. Hakuna sibaka mwa Bibebe sa zeo. Adama na kalile iliñwi kono ya palelwa.

40 Mi cwale Nimrod alika kupanga kopano. Haiba u mutu wa litaba za kale, mi mwa ziba litaba za kale za Babylon, mubale Hislop kaza *Two Babylons*, mu ka fumana liseli lelituna. Kuli, Nimrod, muuna wa sibi yo, na ngile Babilona ni keleke ya habo yenyinyani kaufela yene zwile kuyona, kamba libaka



zeñwi za fakufi, ye neli mufuta wa—wa lizazi la maungulo le ka za Bukreste bo bu keluhile, ni kueza sibaka silisiñwi sesituna ni babañwi babona kaufela ba bapala . . . bafa likute labona kuzona. Mi kwani a yaha tawala ni kulika kuongaonga batu hamoho, kono za pala. Za pala. Ne li palile.

<sup>41</sup> Kora, mwa Numere 16:1, haiba mutabela kubala, Kora na likile lika zeswana. Akopanya Malevi kaufela hamoho, mi aba ni . . . baika babañwi, muuna ya kutekeha, muuna yomutuna, muuna ya kenile, mi yena ni Datani ba taha hamoho mi bali, “Ha ki hande, muuna alimuñwi ulika ku ba fahalimwa luna kaufela.” Mi kacwalo balika kunga katengo kuli ka kalise hamoho, mi ba taha fapila Mushe ni Aruni, bao Mulimu na ketile kwa musebezi, mi aba bulelela kuli ne ba ikuhumusa hahulu, kuli kopano kaufela ne i kenile, mi nebana ni tukelo ya kueza cwalo . . . “Mwahala baelezi babañata kuna ni buiketo,” eeni sha, ba bulelela. Zeo ha li zamaeleli kwa Bukreste. Zeo ki mwa ndwa. Mulemuhe, ki shutano yetuna luli.

<sup>42</sup> Mwakona kunga Liñolo, ni kubulelela kuli, “Judasi nailo itamelela,” mi “zamaya u yo eza ona cwalo,” haiba mubata kueza cwalo, kono zeo halina kuuba hande.

<sup>43</sup> Mulimu na ketile Mushe mi Mulimu na ketile Aruni, mi neli liñusa la lizazi lateni. Mi hakuna taba kamba neku leliñwi ne li bonahala cwani, ne li shutana ni munahano wa Mulimu. Mi lu lukela ku lumeleza munahano wa Mulimu kuba minahano ya luna. “Mube ni maikuto ana liteni ku Krete.” Mi Bibeleye ipatulula muhupulo wa Krete. Mi Buka kaufela ya Sinulo, yebizwa Apocalypse, ki yona Sinulo ya Jesu Krete. Mi lwa kona kubona Mwa nyazeza lika, mo Alingela kwa neku leliñwi, mi luka fita ku zona kasamulaho nyana. Ku lukile.

<sup>44</sup> Kora, Ni lumela kuli nali ya sephala mwa kezo ya hae. Ni lumela kuli muuna wateni na si ka—na sa talusi kueza mafosisa. Ni lumela kuli neli ku sa ziba kwa mutu ya na si ka bona lizoho la Mulimu ha li zamaya ni kuziba Mañolo, mi leo kona libaka ha na li tizize fela ka kunahanisisa.

<sup>45</sup> Mi boo kona butata bo bukona kueza nainte pecent kacenu, zeo lu lika kubeya mwateni mwa tukiso ya Mulimu, kunahana kwa luna. Mi ha lu lukeli kunahana, ni hanyinyani. Ki yena ya lu nahanelanga kwateni. Lu lukela kufa minahano ya luna kwa tato ya Hae. Mwa utwisisa cwale?

<sup>46</sup> Kora, ni milelo yeminde, aya ni tuto ya buhata, inza bulelela mizwale ba, ni ku ba bonisa ka kunahana, kuli Mulimu na si ka fuyola fela Mushe, mupolofita, yena numwana, mi na mu fuyozifela, kono, “Kopano kaufela ne i kenile,” abulelela ali, “mi cwale kopano kaufela ina ni tukelo ya kueza *se*, mi kopano kaufela ina ni tukelo ya kueza *cwalo*.” Mi kacwalo bana ni muuna yomunde, Malivi. Cwale, yeo ki keto ya Mulimu, ye ne lu ka biza kacenu kuli, “bakutazi,” Mulivi neli mukutazi wa tempele. Hanili Mushe

na ba bizelize kwani? Mi, fa, na si ka ya ku zona kusina ku- . . . swanela. Na ba bulelezi kuli bange pizana, ni kubeya mulilo okenile ku sona, ni kubeya insense fahalimwa yona, ni ku bonisa insense ye kenile ye, ye neli taelo ya Mulimu. Mi ba taha ku to panga sikwata sa baana kuli si buse keleke, koo Mulimu na laezi mutu kuli aeze cwalo.

<sup>47</sup> Mi, hane ba eza cwalo, Mushe awa ka pata kakuli na ziba kuli Mulimu na mu lumile kwa musebezi wani. Mi Mulimu ali, “Kana bana ni bona kuli batise lipizana ze kwanu fapila tabernakele.” Mi kacwalo ha ba kala bonisa lipizana zabona zetezi mulilo, mi insence inge isweli kuzwelapili, Mulimu sa bulelela Mushe ni Aruni, “Amu zwe mukauhane kubona! Muzwe mwahala bona!” Kakuli, kasamulaho A ba biza kuli “baezalibi, baba sa lumeli.”

<sup>48</sup> Mi sibi ki ku sa lumela mwa Linzwi la Mulimu. Wa uzwa kakuli ha u lumeli. U bulela buhata kakuli ha u lumeli. Wa buka kakuli ha u lumeli. Kambe u mulumeli, no si ke wa eza cwalo. Kuna ni fela liapalo zepeli, yeo ikona kuba tumelo kamba kusalumela, u zamaiswa ki iliñwi kamba yetatama.

<sup>49</sup> Cwale, Mulimu, kwa simuluho, nali Linzwi, mi Na ezizwe nama mi ato yaha ku luna. Nali yena Linzwi, Ki yena Linzwi! Mi cwale Mulimu ha pila ku mina, ki Linzwi la Mulimu le lipila ku mina, ko mukona ku bulela lika kaufela Za bulela ka “Amen.” Yani ki Mulimu yapila ku mina.

<sup>50</sup> Cwale haiba mu ka lemuha, baana baba sina mulatu ba inge basweli lipizana mwa mazoho abona, mulilo o kenile mwa lizoho la bona, Mulimu a kwalula lifasi mi la ba miza, mi a ba kauhanya ku Mushe kakuli Mushe na ikauhanyize ili yena ku bona. Mi Mushe na lemusize kopano kuli, “Musike mwa angabazwa ki sikwata sa mufuta o cwalo sani. Muzwe ku bona!” Cwale, mwa ziba Mañolo, mubale likauhanyo za 16, 17, 18, hamoho, cwalo, mi mu ka lifumana. “Zwa mwahala baezalibi baa, baezalibi ba ba sa lumeli. Amuzwe mwahala bona, kakuli ba libile kwa sinyeho, ni lika kaufela ze ba nani.” Mi cwale ha se ba . . . lifasi la tibuka ni kuwa ni bona batu baa inge basweli mulilo o kenile woo. Batu baba sina mulatu ba pumilwe ki mutu.

<sup>51</sup> Ki nto yeswana ni kacenu! Kuna ni baana babañata baba sina mulatu baba wela mwa tubalelo, kuswala Linzwi leli Kenile mwa lizoho la hae, mi mane ne ba kala kukutaza ku Yona. Na bona mutalimelo o no zwelela ku mukutazi fa sifateho sa hae nako yani, mukutazi wa Methodist, neli mukutazi wa Methodist kufitela Sunda yefelile busihu. Mi ha talima, Ni sepa kuli si talusa zeñata ku mina, muzwale, kuli sizwe.

<sup>52</sup> Cwale, mwabona, kuswala lipiza, mulilo u nzo tuka ni minko yemunati fapila Mulimu, ni mazoho ani ali kuswala cwalo, kono niteñi ba bulaiwa basweli piza mwa lizoho la bona, kakuli ne ba lika kuezsa sika mwa busepahali, ibo, neli ka kushutana ni Linzwi la Mulimu, kulika kupanga kopano. Ali, “U i kutwisisa

hahulu. Ki wena mañi kuli ubulele kuli una ni Linzwi la Mulimu kaufela?”

53 Ne ba palezwi kubona kuli Mushe yani neli—neli yena numwana wa hola yani. Mwabona, nana ni zeli SA BULELA MULENA KISONA. Nekusina mutu mwa lifasi yaswana ni yena. Nana ni Liñusa, mi sicaba sa palelwa ku Li bona. Mi Mushe nali hande ka zakuli SA BULELA MULENA KISONA. Luli. Ku lukile.

54 Cwale lufumana taba yeswana kacenu, baana babande, baana babatuna, baana babande balika ku kutaza Linzwi la Mulimu (mwa lizoho la bona) ka sizo sa ipangezi mutu. Kupumaka *fa*, ni ku pumaka fafasi *fa*, ni kueza *se*, ni kuli “mutahe mu ikopanye kwa keleke mi mucince bu membala bwa mina,” mi ka moya ba shwa ni Linzwi lani mwa lizoho la bona! Mwabona?

55 Ne ba sa lumeli mulumiwa wa Mulimu kamba Liñusa la Hae la lizazi lani. Ne ba sa utwisisi libaka leo Mulimu yomutuna na si ke kubeleka ni sikwata kaufela sa batu, ni ku si beya fela ku mutu alimuñwi.

56 Ki babakai ba bona bo Ni bulezi kacenu kuli, “Ki sikamañi se lu ka eza, Muzwale Branham? Lu ziba kuli u bulela niti, kono ki sikamañi se lu ka eza? Kopano ika lu leleka, haluna sibaka ko lu ka ya.” Na ba utwela makeke; kono kuna ni Sibaka. Mu li, “Kihande, lu ka shwa tala.”

57 Davida naize, “Ni kile na ba mucaha, mi cwale se Ni supezi, bo ha Ni si ka bona yana ni niti a tuhelwa a yumbwa, kamba bana ba hae kupila ka ku ikupela buhobe.”

58 Zeo mane li fa mayemo aswaba o ne ba latuzi Jesu ka ona. Ne ba tatezwi hahulu mwa kopano ya bona, ni baprisita baba kenile ni miyaho ye kenile, ni likeleke ze kenile ni litempele ze kenile, ba palelwa kubona Mulimu mwa tempele ya Hae ya butu. “Wena, kakuba mutu, u ikeza kuba Mulimu.” Mwabona, ne ba tatelizwe hahulu ku zona! Baana ba ne ba tatelizwe hahulu kuli Datani ni babañwi ne ba bulela niti. Nimrod na li ya ishuwile hahulu kuli akone kufumana sesiñwi sene si ka nga sicaba fahalimwa buhali bwa Mulimu. Adama na ziba hande kuli ha na ka apesa mapunu a hae Mulimu na si ke a abona. Ha u koni ku ikapesa, Mulimu ki yena ya lukela ku apesa fateni. Mwabona? Mwabona? Tukiso ya Mulimu kona ye apesa lika, isiñi ya hao. Kamita kubile ona cwalo, ba palelwa kubona Jesu mwa tempele ya Hae, Mulimu ya bonahalile mwa nama.

59 Kacenu si ni utwisa bumaswe ha Ni bona kuli Manzwi a Bible abile a pumakiwa ka lizo. Ni batu baba sepahala mwa lipilu baba yema fani ni ku teezeza Linzwi lani, mi ba ziba kuli Ki Niti, kono ha ba lati kushenya, kakuli lizo za bona li ba luta ka kushustana. Kutapisa lindondo ni lipani, kanti, mizwale,

muzwelepili cwalo. Kono haili luna, ni na ni ba ndu yaka, lunga Kreste, yena Linzwi. Mwabona?

<sup>60</sup> Halungeni Joani 3 fa nako fela, Nekudema, muluti ni mubusisi wa kopano yetuna yene bizwa kuli Sanhedrin. Neba tahile hamoho, mi se ba ikezeza lizo. Yaba—yaba Bafarisi ni ilimuñwi ya Basaduki, mi neba na ni kopano ya bona kwani, lifapahano za bona, mi kacwalo ba. . . Muuna yo neli muluti, mubusisi wa Sanhedrin, muuna ya tabisa luli mwa lituto. Na ziba Mañolo, a hupula. Na ziba ka sizo sa bona. Kana Jesu na si ka bulela kuli, “Mu ezize cwalo, ka sizo sa mina, mu ezize Litaelo za Mulimu kuba ze sina mata”?

<sup>61</sup> Mwabona, bakeñisa lizo za bona! Ki sikamañi sani? Kubeya toloko ya bona bañi fa Linzwi, kufita ku Li siya fela, se Li bulela. Ba bulela kuli ha Si talusi se. Kana mulemuhile, leo ki linzwi leli swana leo diabulosi naitusize ku Eva, ka kukala kopano yapili, mwabona. “Kaniti i kaba *cwana*. Mulimu hakoni kueza cwalo, mwa ziba.” Mwabona, ki nto yeswana. Ki nto yeswana ni kacenu.

<sup>62</sup> Cwale lu lemuha kuli, mubusisi yo ataha ku Jesu. Taba yapili, cwale, natilo bata Bupilo Bobusafeli, atela ku to bata puluso. Ibo, ali muuna wa mayemo a hae, muluti mwa Isilaele, kono neli nduna mwa Isilaele ataha ku Muuna yo lusina piho ni yekana ya kuba neba lizazi li liliñwi mwa sikolo. Muuna muhulu ya supezi luli, muprisita, caziba, ataha ku Mucaha yomunyinyani fela. Nduna mwa lituto, muuna ya fumile ataha ku Mukunyangandela yana sina sibaka fa ku sameza toho ya Hae, ku to Mu buza za nzila ya kupiliswa ni Bupilo. Sibaka sa pili, bona ba Sanhedrin bani, ki sa na bulezi Nekudema, ne ba boni nto yeñwi ku Jesu kuli baana babañwi ba kopano ya bona ne ba sina sona. Ba bona kuli nekuna ni sesiñwi ku Yena, kakuli na ize, “Muluti, lwa Ku ziba. . .” “Luna,” eehe, ne ba si ke ba ipulela, kakuli ne ba ka lelekelwa kwande. Mwabona? “Lu ziba kuli Wena u Muluti ya zwa ku Mulimu, kakuli hakuna mutu ya kona kueza lika Zo eza konji Mulimu abe ni yena. Lwa ziba cwalo!” Oh, mawi! Kopano!

<sup>63</sup> Cwale, lu lemuha kuli Jesu nali ponahazo ya Mulimu. Cwale, “Hakuna mutu ya kona kueza lika ze kwanda kuli Mulimu abe ni yena.” Ne ba ziba kuli nekuna ni nto ye shutana ku Muuna yani. Nali yena Liseli la lizazi lateni. Nali yena Paki ya Mulimu.

<sup>64</sup> Ni Kora na boni nto yeswana ku Mushe. Ne ba sina mutu ka lizazi lani sina Mushe. Nali paki ya Bumulimu bwa Mulimu, ya lizazi lani, kwa mata a Mulimu. Kora ni sikwata sa hae ba li bona ku Mushe. Ne ba utwisisa kuli ne isike kuba Mushe; Mushe na si ke kukona ku kwalula Liwate Lelifubelu, Mushe na si ke akona ku luma likoto fa lifasi. Neli Mulimu ku Mushe, mi, kakuli Mulimu yana iponahalize Iliyena mwa paki kamba liseli la lizazi lani, ba palelwa ku Li bona. Kora na bata kueza sikwata kaufela sa baana, kutisa mwateni sika kaufela.

65 Zeo kona ze i zibahalela kopano ka zona, kutisa mwateni si fwaka-uki kaufela se si zibahala, ni ku libiza kuli “Bukreste.” Kuluma mushimani kwa sikolo ya sa zibi za Mulimu sina Mbonezikai mwa sa zibeli busihu bwa Egepita, ba mu luma kwani ni ku mufa tuto ni ku ituta za ngana ya butu, ni ku mufa Ph.D., ni digiri ya dokota kamba ya lituto za bukwala mwa lika, kamba nto yeñwi ye cwalo. Ni ku mu luma kusili kuli akutaze Evangeli, yane mane ki ya si ka piliswa kale, ya ka latula kupepwa kwa bwalanjo ni zuho, kulatula foliso ya Bumulimu, kulatula Mata a Mulimu, kulatula litaba luli za na shwezi Jesu, kulatula Mareka 16 kuba ye susumelizwe, kulatula kuli “lisupo ze li ka latelela baba lumela” fani Jesu hana bulezi Manzwi ao yena Kasibili, ba latula Likezo 2:38, ba latula Mañolo amañwi kaufela a susumelizwe. Ni kulika kuamuhela sizo sa batu kuli hakuna ze ba ziba ka zona, ni ku tiiseza ku zona. Mi ha mu ba bulelela Niti ni ku ba bonisa Niti, ba swaba ku zamaya, kakuli ki kopano yabona.

66 Kora aeza nto yeswana. Na boni Mulimu ku Mushe. Na boni kuli neli Mulumiwa wa Mulimu yana beleka ku yena. Mi Nekudema abona Mulimu ku Krete, “Hakuna mutu yakona kueza lika ze konji Mulimu ha li ni yena.” Nekudema nali kale mwa kopano, inza lika kuzwa mwateni. Kora nali kwande, inza lika kueza yomuñwi akene. Yani neli shutano. Nekudema na lika kufumana puluso, kuli bazwe mwa lika; na bile ku yona kuzwa kwa bushimani bwa hae, na katezi ka zona. Na bata kupiliswa. Kono Kora nalika ku ipangela si—si sibaka kwa na kaba mutu yomutuna.

67 Kona mo kuinezi ni sicaba kacenu. Kona butata bo buli ni Bukreste, luna ni malikanyiso a mañata hahulu. Mi sicaba sa hesu sa Mapentekota, mu ni swalele ka mubulelelo wo, kinto yemaswe luli, ka kuba malikanyiso a butu! Mulimu ha sa zusa mutu ni ku mufa sika, mi mañi ni mañi mwa naha uka lika kulikanyisa mutu yoo. Kikuli ha u lemuhi kuli ubulaya sikwata sa hao naa? Ha mu bapala papali ya mbola. . . “Ni sishemo,” sina Paulusi mwa na bulelezi kuli, “ha lu mateñi takano ye ka tizelelo.” Mutu yana mbola, musike mwa mu amuha yona mwa mazoho, kulika ku mu tibela. Kono mwa sibaka sa zeo, kakuli ha ki wa siemba sa kopano ya henu, mulika ku i zwiisa ku yena. Muuna yomuñwi wa lisafa maswe, hakoni ukona ku sitatala fa lipalisa mwa lisila, mi ni kulika ku Li zwiisa ku wena. Yeo ki niti. Cwale, kubulele ka moya, Ni taluse. Muni swalele, Ni. . . Kihande, uka sitatala fa nto yenyinyani sina Likezo 2:38, luli una ni kuwa. Haiba akona ku sitatala fa Mareka 16, kana uka kona cwani kueza cwalo? Mwabona? Huh. Tuto yetuna luli ya Krete. Mi yona taba luli yene ambozwi kwa Katengo ka ba Nicaea, ba sa sitatala ku zona kasumulaho wa myaha ye kaufela.

68 Kulika, Kora nasweli kulika kupanga kopano, kuli akene ku yona. Mi Nekudema nali ku zona, inza lika kuzwa ku zona.

Nekudema na amuhezwi, mi a zwela kwande. Kora a shwela ku zona, mwa musebezi wa hae, a shwela mwa mata a hae. Oh, mawi!

<sup>69</sup> Kopano yeo Nekudema nali kuyona, ne iziba kuli Kreste na lumilwe ki Mulimu, na bulezi cwalo. Nekudema, mwa kauhanyo ya 3 mo, wa ipulela uli, “Muluti, lu ziba kuli Wena u Muluti ya lumilwe ki Mulimu, kakuli hakuna mutu yakona kueza limakazo Zo eza Mulimu kuba ni yena.” Mi sikwata se si swana, bakeñisa kopano ya bona, ba Mu biza kuli “Baalezebubi,” bakeñisa mata a Hae a ku leleka mioya yemaswe, mi bali, “U puma sicaba sa luna ka Tuto ya Hae.” Ki nto yeswana ni kacenu. Kupuma sikamañi?

<sup>70</sup> Jesu naize, “Ni eza fela ze tabisa Ndate, Ni buluka fela Manzwi a Mulimu,” kakuli Nali yena Linzwi. Hakuna sa na eza kwanda Linzwi.

<sup>71</sup> Kono, bakeñisa kopano ya bona, bakeñisa nzila ya bona, nebali baana baba tamilwe. Mwa lipilu za bona ne ba ziba, kono kopano yabona ne sa ba lumelezi ku ba ni zona. Mi, kuli kube ni nzila ya kusaba ka yona, kuli sicaba sisike sa zwa mwa kopano (“batu kaufela ba bata Yena”), kuli batu basike ba zwa mwa kopano ni ku latelela Niti ya Mulimu (kanti Nali yena Niti “Ki na Niti, ki Liseli”), ku ba hanisa ku latelela Sani, ba bulela kuli Na sweli kupuma sicaba. Munahane ka zona! Muuna, kuli mwa pilu ya hae na ziba hande kuli Nali yena Mulimu, kuli Mulimu nali ku Yena (“hakuna mutu ya kona kubulela lika ze, kamba kueza lika ze, konji Mulimu ali ni yena”), ka kuziba cwalo ni kubulela cwalo ni kupaka cwalo, mi ni ku sikuluha ku Mu biza kuli “Baalezebubi, ni mupumi wa sicaba,” sicaba sa bona, “ka Tuto ya Hae.” Oh, mawi!

<sup>72</sup> Nekudema na zibile kuli Nali Mupolofita. Cwale, yani neli alimuñwi mwa kopano yana lata Mulimu hahulu mi ya saba Mulimu ka hahulu, ni ku lemuhiwa ka Testamente ya Kale kuli Muuna yo nabile ni linepo mi a pakiwa ni ku boniswa kuli, ki Mupolofita ya lumilwe ki Mulimu. Muuna yani, Ni ka mu kuteka haiba na tile busihu, ayo fita kwateni. Ki yomunde hahulu kufita baluti ba luna babañata kacenu, bona mane habana kutaha ni hanyinyani. Nekudema kwa mafelelezo a fita. Kacwalo, usike wa mu nyaza, haiba ha u si ka fita kale. Nekudema na ziba kuli Nali Mupolofita, kacwalo na saba Mulimu. Na si ka tuhelela Muuna yani kuzwa ku yena, Liseli la lizazi lani. Hakuna taba kamba Ne li shutana cwani, kamba kopano ya hae ne ibulela cwani kuli Ne li shutana, na boni Mulimu hapaka Muuna yani mi aziba kuli Nali Mupolofita. Mi haiba Nali Mupolofita, Linzwi la Mulena litahanga ku mupolofita, mi Na ziba za Na bulela. Mwabona? Kacwalo aya ku Jesu, na bata kuziba mwa ku fumanela puluso. Haiba Muuna yo neli Mupolofita, Linzwi la Mulimu nelili ni Yena, mi Na ka ziba nzila ya puluso.

<sup>73</sup> Kono sa na itutile Nekudema kona seo batu babañata kacenu, ba likopano za lizazi le, bana ni kuituta. Sa na lukela kuziba Nekudema, kona seo sicaba kacenu ne si lukela kuziba, batu ba likopano zee. Nali yomutuna kufita Mupolofita. Na tile ku Yena ku to fumana, ku Mu bulelela nzila ya Bupilo, mi Jesu yena Kasibili nali Bupilo. Ya na ni Mwana una ni Bupilo. Kacwalo na si ka eza cwalo, na sa lukeli kutaha ku to ituta tuto, una ni kutaha ku to amuhela Mutu. Kona mo kuinezi busihu boo! Licwe Lelituna la mwa lilulu li hanilwe hape. Licwe la Butokwa ki sikamañi? Ki Linzwi, eeni sha. Kreste, Ki yena Linzwi.

<sup>74</sup> Nana ni kuituta nto yeñwi. Na hupula kuli, “Kihande, cwale, Muuna yo ki Mupolofita, Ki Mupolofita fela.”

<sup>75</sup> Kacwalo, kikuli mu lemuhile, Jesu na si ka alaba puzo ya hae, Na mu omanyize fela ka bubofu bwa hae. Kufita Mupolofita, Nali yena Linzwi ni Liseli le li benya la Linzwi! Nali Mulimu ya na monyeha mwa sibyana sa libelekiso, inza paka kuli neli Mulimu ku Mutu. Nali yena Linzwi. Joani Wapili, kauhanyo ya 1 . . . Muñoli Joani, kauhanyo ya 1, nitaluse, ili, “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama, mi a to yaha ku luna.” Mi fa nekuna ni Linzwi la Mulimu lene li monyeha mwa sibupeho se si nyinyani se sa Muuna, mi La fufaza kopano. Kono Ataha ku to nga mutu anosi. Hahulu kufita Mupolofita, Nali yena Linzwi! Ki yena Bupilo. Isiñi . . . Na sa tokwi ku mi luta ka za Bupilo bo ne bu sa taha, Nali yena Bupilo bwani Kasibili! Nali yena Bupilo. Nali yena Liseli. Nali yena Bupilo. Nali yena Bupilo Bobusafeli, nebuli ku Yena, mi Yena fela anosi ki yena Mufani wa Bupilo Bobusafeli. “Ya na ni Mwana una ni Bupilo.” Kacwalo muna ni . . . hamukoni fela kuba ni tuto ya Linzwi ka Yena, mu lukela kuba ni Yena.

<sup>76</sup> Mu li, “Oh, batu baina fafasi ni kuituta Biblele ni manzwi a Sigerike kaufela, ni seo litaluso lili zona, ni lifwelwani, ni zeñwi cwalo.” Mi hakuna ze ba ziba ka Mulimu sina nto isili! Mwabona? Batili! Yana ni—yana ni—ni—ni mufuta, yana ni mulelo? Ki yena yana ni Mwana, yana ni Yena, yena Mutu. Ki yena Yana ni Bupilo.

<sup>77</sup> Nekudema na ziba kuli Na ziba ka za Bupilo, kono na si ka ziba kuli Nali yena Bupilo Bobusafeli. Sani kona, Muuna ya na bulela ku yena, yena Mulumiwa, ili Liseli la lizazi le, Liseli la lifasi. “Liseli la monyeha mwa lififi, mi lififi ha li si ka Li utwisisa. Na lomezwi ku ba Hae Tota mi ba Hae Tota a ba si ka Mu amuhela.” Kiñi? Kiñi? Kakuli ne ba ongaongilwe hahulu, ne ba yema fela fa kutapisa lipoto ni lipani, ni lizo, kuli ba palelwa kubona Linzwi le li ezizwe nama.

<sup>78</sup> Li kutezi kale. Li kutezi hape. Litaba za kale za kutelanga zona liñi fa ni fa. Eeni, na zibile kuli Nana ni—Na zibile za Bupilo, kono Nekudema na sa zibi kuli Nali yena Bupilo. Sani

kona mo si inezi kacenu. Batu babañata luli balika kueza kuli Jesu, oh, ki Muluti yomutuna, mane balika kubulela kuli Na li Mupolofita. Kono ha ulika kubulela kuli Nali yena Mulimu, zeo ki zetuna luli. Mwabona? Kono Nali Mulimu, mi Yena ki Mulimu, mi Yena kamita ukaba Mulimu. Ku felile. Yeo ki niti.

<sup>79</sup> Mulemuhe, Na si ka bulelela Nekudema, cwale, ha taha ku Yena, Na si ka bulelela kuli, “Cwale, Nekudema, Ni na ni likute lelituna ka wena, kuli wena u—u—u muluti mwa Isilaele. Ni ka ku bulelela kuli, u bata Bupilo Bobusafeli, mwendi u lukela ku kabisa hande fa likolo za hao. Ha u buleli manzwi a hao hande.” Bukuba. Kamba, “Mwendi u lukela kubata situlo sesituna mwa kopano ya henu, kuli ube ni Bupilo Bobusafeli.”

<sup>80</sup> Sani kona se ba likile batu babañata kueza kacenu, uh-huh, ofisi yepahami, ba bata kuzwa kwa kuba—kuba mulisana mi ba be mutoneli wa sikiliti, kamba—kamba ku bishopu yomuñwi kamba nto yeñwi ye cwalo. Zeo sina za kueza ni Mulimu ni hanyinyani.

<sup>81</sup> Mutalime sa Na ezize ku mutu ya cwalo. Na mu omanyize ka ku sa ziba hola ya na pila ku yona, “U talusa ku Ni bulelela kuli u muluti mwa Isilaele mi ha u utwisisi litaba zee, fani,” Na ize, “mutu una ni kupepwa sinca?”

<sup>82</sup> “Kiñi,” ki hali, “na nili muuna muhulu, ni kene mwa mba ya boma?”

<sup>83</sup> Ki hali, “Kono hanili wena u bishopu, muika, mutoneli wa mwa keleke ya Pentekota,” kamba mutu usili fela, “mucaha yomuñwi yomutuna mwa kopano, mi ha u zibi Mañolo?”

“Oh, luna ni Mushe.”

<sup>84</sup> “Kambe mu zibile Mushe, ne mu ka Ni ziba, kakuli ki yena yana bulezi ka za Ka.” Mwabona? Kono isiñi kuya ka lizo za bona, kopano ya—ya bona, yani ne i shutana. Kono Mushe na bulezi ka Yena, mi Nali yena Yani yana bulezwi ki Mushe, mi niteñi ne ba sa zibi. Kiñi? Neba ipile hahulu mwa lizo, ne ba sa zibi cwalo.

<sup>85</sup> Mi mizwale baka baba balile, mina baba na ni tepu ye, musike mwa i tima cwale. Fa muzuzu fela, ha lu talimeñi taba ye mwa pata. Na ku lata, u mulisana. Mi ha Ni liki ku ikeza ya ziba lika kaufela. Haiba Ni bonisa maikuto ao, konakuli utime tepu yeo mi u ni lapelele. Ni lika fela ku mi tiseza sika sa Niti. Musike mwa si tuhelela ku mi fitelela.

<sup>86</sup> Cwale, Ni kuteka mulao wa mutu, ni zeñwi cwalo, kono ha mu eza likopano zee . . . Mutalime kwa Bafarisi, haba koni kuba ni sa kueza ni Basaduki, kakuli Basaduki ne ba sa lumeli mwa—mwa nihaiba lingeloi kamba—kamba moya, kamba zuho, kamba sika kaufela, kono Bafarisi ne ba na ni zona kaufela, mi ne ba lwanisana mañi ni mañi. Cwale ba Oneness ba lumela nto iliñwi, ba Trinity ba lumela nto isili, ni ba Methodist ba lumela nto isili



hape, mi ba Presbyterian balumela isili, mi mulala milulwani nyana cwalo. Mi ki sikamañi se mu ba ni sona? Ki kuikaba kwa sizwale. Ni bulele cwana, lu ka fumana sibaka sani mwa Bibebe ka nako nyana fela, seo sili sona, ni sa bulela Mulimu kuli kona mo si inezi.

<sup>87</sup> Cwale, batili, Na si ka mu bulelela kuli a pase hande. Na sweli fela ku mu omanyaka ka ku sa ziba sika za niti. “Kikuli u muluti mwa Isilaele, kanti ha u zibi litaba ze? Haiba Ni ku bulelezi litaba za lifasi, mbali upalelwa ku li utwisisa...” Munahane! “Muluti, situlo se si pahami mwa keleke ya Orthodox, bishopu, muika wa za bulapeli, mi mane haukoni nihaiba ku utwisisa bu mbututu bwa lika za nama ze Ni ku bulelela, u ka utwisisa cwani lika za moya za Lihalimu he?”

<sup>88</sup> Kono neli muyambi wa sitimbi yana sa koni nihaiba kuñola libizo la hae, yena a Li utwisisa, mwabona, mi a eziwa toho ya keleke kwa Jerusalema, Pitrosi. Mwabona? Oh, “Kaufela ba Ni file Ndate, ba ka taha.” Mwabona? Ba Li bona. Ba Li lumela. Ba eza ka Lona, kusina kuziba se si ka ba swala.

<sup>89</sup> Inge fela mulimi. Ha ki nto ye tabisa kueza lisheha, kono ki kufa mutala. Ne ba ize mulimi nana ni kuhu, mi neisina mai amañata, se ba i beela lii la pato fo ne ibubami. Pato ha i to ndondoka, neili nto yesehisa hahulu ku zelikile zabona fateni likuhu zani. Ne ina ni sifateho se si telele se si sehisa, mi yona neisweli kulila ka mufuta wa lipato kufita ku kekela inge kuhu, mi—mi likuhu kaufela ne li ca ni ku njoma njoma mwa patelo ya sishete. Mi zani ne si lico za yona, mane. Kacwalo zazi leliñwi kuhu ya nasikuku ya muisa kwa mulaho wa sishete, ku yo swala limbimba, mi fahalimwa lilundu nekuna ni—ni lisa. Mi moya wa taha kuzwa fa lisa, mi a nunkelela mezi. Ki sibupeho sa hae fela. Mi nasikuku ya mushemi yali, “Cluck, cluck, cluck, cluck, kuta wena!”

<sup>90</sup> Ki hali, “Quack, quack, quack,” ku liba fela kwa mezi. Kiñi? Na li pato, ka kukala. Hakuna taba kamba kuhu ne ilila cwani, yani ne isali pato.

<sup>91</sup> Mi cwalo kona mo kuinezi ku mutu ya lelezwi kwa Bupilo Bobusafeli. Ha bona Liseli la Mulimu, hakuna likopano zeñata mwa lifasi ze ka mu ketisa ku zona. Batili. Kiñi? Ki sibupeho sa hae. Hakula na kaba inza ca kuzeo fa nako yetelele, ni kuca masila a bona ni za butanya, kono utaha fa sibaka fa fumani nto ye shutani, kona kuli wa ziba. “Lingu za ka liziba Linzwi la Ka,” kwa bulela Jesu, “muenyi halina ku mu latelela.” Zakona ku latelela nto yeñwi ye shutana, kono mwahala zona kuna ni nto ye shutana. Ha ba utwe Niti nako yeñwi, mi mu ba talime. “Kaufela ba Ni file Ndate ba ka taha.”

<sup>92</sup> Eehe, Na mu omanyize ka ku sa ziba. “Wena u muluti mwa Isilaele, mi ha u zibi litaba ze? U lukela kupepwa sinca!” Cwale,

mutu wa nama, Ni bata kuli. . . mu lemuhe nto yeñwi fa, “U lukela kupepwa sinca.”

<sup>93</sup> Cwale, bupilo bwa nama, haiba luna ni bupilo bwa nama, fa kuli lu kone kuba ni likezo mwa bupilo bwa nama boo, mwa lika za nama, luna ni kuba ni kupepwa kwa nama. Ha ba ku nyungi kuzwa kwa kota yeñwi, mwabona, ku ku kakatelisa ka nzila yeñwi. Ne ba likile cwalo, kono ne li si ka beleka. I lukela kuba kupepwa kwa luli kwa nama, kupepwa kwa nama, kuli ukone kuba ya kondisa ka maikuto a ketalizoho, kuzamaya, kubulela, kubona, kulwaza, kuswala, kununkelela, kuutwa, kuzamaya kwa ni kwa, ni zeñwi cwalo, fohe kipeto u mutu, mi u—u tamehile kwa lika ze kaufela kakuli li kena mwa bupilo bwa nama.

<sup>94</sup> Mi, mwa kupepwa ko ku cwalo, fokuñwi luba baba butali hahulu mwa lifasi kamba mwa litaba za lifasi, kuba Baeteleli ba linaha ni—ni baituti babatuna, mi ni kupeta misebezi ya mishini ni za sayansi, ni zeñwi cwalo. Mi kamita mwa ziba, kuzwa kwa simuluho luli, kuli neli bana ba Kaine bene bana ni butali bo bu cwalo; isiñi ba Seta, nebali baana baba ishuwile bauti ba lingu. Kono bana ba Seta neli batu ba bumulimu. Kono bana ba Kaine kamita neli baba butali, babatuna, sayansi, madokota ni baana babatuna. Yeo ki niti. Bibebe ibulezi ona cwalo, mwa ziba, Sani si luta ona cwalo. Mi neli ba bulapeli luli, kono ba yundiswa kwa mafelelezo. Luba baba butali ka kuya kwa sikolo, kunga lituso za lituto, ni zeñwi cwalo, luba baba butali hahulu, baba talifile, ni kueza lika ni kubulela lika, mi fokuñwi kubulela kufita mutu ya tezi Moya. Hanili Jesu naize, “Bana ba lifasi le ba butali hahulu kufita bana ba Mubuso”? Luli, kakuli bona, ka butali bwa bona kuli bakona—bakona kubulela ni kuzwela kwande ni libaka zeñwi, ni kunga Mañolo ni ku A fetula kuli A bulele lika za Sa buleli.

<sup>95</sup> “Oh, Ha ku talusi cwalo.” Mutu ha bulele cwalo, mu sabe ku yena. Mulimu u tokomela Linzwi la Hae, mwa ziba, Bibebe ibulezi. Li ñozwi fela mo Li lukela kubela. Mwabona? Cwale, Li beilwe mwa nzila ya kuli li pume, kamba ku tiseza yabutali kusitatala ku Lona. Ki nto yebunolo hahulu, kona ha ba sitatala ku Lona. Mwabona? Ku lukile.

<sup>96</sup> Butali bo kaufela ni lika ze bakona ku ikungela, kono ki kuzwa. . . kupepwa kuzwelela fafasi, fa lifasi le. Ku zwa mwa lifasi, mi ku lwanisa Moya wa Mulimu. Kupepwa kwa pili, kuli lube baba ikonela ku lo fa, kulueza mutu wa nama, bakeñisa kezo ya foso mwa simu, kwatisa mutu kuli atahe mwa lifasi ka musali. Mi mutu ya pepilwe ki musali ki wa mazazi a manyinyani, kono mutu ya pepilwe ki Kreste ki wa Kuyakuile. Jobo naize, “Mutu ya pepilwe ki musali ki wa mazazi alikani mi atezi maziezi.” Mulemuhe, kono mutu ya pepilwe ki Kreste, una ni kupepwa kuzwa kwa Lihalimu. Cwale, kono haili mutu ya pepilwe ki lifasi, uba ya butali mi mane ukona kuba ni butali hahulu.

97 Mutalime diabulosi mwa na bezi ya butali, a lyanganisa muprisita kaufela yana tile mwa lifasi. Luli na ezize cwalo. Na lyanganisize, u sa eza ona cwalo. Eehe, luli na ezize cwalo. Na li ya butali, kono a lwanisa muzamao wa hae, zazi leliñwi, Yana mu komile. Mi taba fela yeluna ni kueza ki ku Mu lwanisa fela, U mu komile kale. Mwabona?

98 Kono uzwelela kwatasi, mi yeo, butali bo muuna yani aipumanezi kuli abonise litaba ze kaufela kiñi mutu ha lukela kueza se mi mutu una ni kueza *sani*, ki kushutana ni sitoyo (ngana ya nama) ku Mulimu. Mañolo a bulezi cwalo. Kiniti. Hakuna taba kamba ba ka li futula cwani. Ni bata kuli mutu ani bonise koo Mulimu akile aba ni kopano kamba nihaiba kulaela iliñwi, kanti kaufela zona wa li nyaza mwa Biblele mo. Hakuna taba kamba libutali cwañi mo likona kubela, za shutana! Butali mo bukona kuyemela ni ku kufita mwa likañi, ni ku kueza kuikutwa sina yomunyinyani *kaku* kubulelela zona, kono zeo za shutana kwa Mañolo.

99 Yomuñwi naize kuna, “Muzwale Branham, kuna ni nto iliñwi ye Ni nyaza ku wena.” Ali, “Wena u wa ba Jesu Feela.”

Se nili, “Ha ni cwalo. Ha ni wa kopano ifi kaufela.”

100 Mutoneli wa tolopo yeñwi yana lumilwe, zazi leliñwi, mi ali, “Kuna ni yana ni bulelezi kuli wena uwa ba Jesu Feela, Muzwale Branham.”

Se nili, “Zeo ha ki zona. Zeo li fosahalile.”

101 Ali, “Ne ba ni bulelezi kuli u lumela mwa lilato la tukuluho, kuli baana balukela kusiya basali ba bona ni ku yo zuma. . .” Cwale, mwabona, bwani ki buhata fela bwa diabulosi. Mwa ziba cwalo.

102 Se nili, “Ni lwanisa lika ze si yo mwa mañolo! Ni lumela mwa kukena ni kuluka. Ni lumela kuli muuna u tamehile ku musala hae ibile fela ba pila.” Ha u lukeli ku mu nyala kusina kulapela pili.

103 Mi Jesu Feela, sikwata sa ba Jesu Feela, hakuna se ni ba nyaza ka sona, ki sikwata fela sesinde kaufela, ku na. Kono ba kolobeza ka mafosisa, ba kolobezeza kwa kufetulwa. Ni lumela kuli lu cincywa ka Moya o Kenile, isiñi ka mezi. Ni itusisanga Libizo la Jesu Krete mwa kolobezo, mi hakuna Liñolo leliñwi mwa Biblele le li kona ku yemela. . .leikona ku li lwanisa. Nekusina mutu mwa Biblele yakile a kolobezwa ka libizo la “Ndate, Mwana, Moya o Kenile.” Ni bata kuli yomuñwi atahe ani bonise sibaka silisiñwi ko mutu alimuñwi akile a kolobezwa cwalo. Mi, haiba ha ki za mañolo, mutuhele li ezanga!

Mu li, “Hakuna shutano ni yekana.”

104 Ne kubile cwalo ku Paulusi. Na ba laezi kuli ba kolobezwe sinca hape, ka Libizo la Jesu Krete, mi kipeto ba amuhela Moya o Kenile. Mi Paulusi ali, “Haiba lingeloi le lizwa kwa Lihalimu,”

Magalata 1:8, “li tahe, mi li lute evangeli isili,” kufita ya na lutile, “leo li be anatema.”

<sup>105</sup> Mwabona, ki sizo. Ne ni ambola ni muuna yomutuna ha ki kale hahulu. Yanaize, “Muzwale Branham, Ha ni koni. Na ziba kuli Yeo ki niti,” a bulela, “kono ki sikamañi se Ni kona kueza ka Zona?”

Se nili, “Mu Li utwe!”

Ki hali, “Kiñi, Ni—Ni na ni situlo mwahala sicaba sa hesu.”

<sup>106</sup> Se nili, “Kono Ni bata situlo ni Mulimu, kacwalo utwela Linzwi la Hae. Mu lukela kunga keto ya mina, kikuli mu ka sebeleza Mulimu kamba mutu?”

<sup>107</sup> Kono ba ikungela kopano ya bona, ba toma mubulelelo wo ku bona, ku latelela hande. Nako yapili yekile za itusiswa zeo neli mwa keleke ya Roma ya Katolika. Yeo ki niti. Ni bata mutu yaka ni bonisa nto yeñwi ye shutana. Ni balile litaba za kale, nina, mwa ziba. Kacwalo muhupule, yeo ki kolobezo ya Katolika, mi mutu kaufela ya kolobelizwe ka nzila yeo u kolobezwa mwa kopano ya Katolika. Ni ka li bonisa busihu bu si ka fela kale, haiba Mulena alata. Yeo ki niti. Kona libaka ha muswanela kutela.

<sup>108</sup> Isiñi ba Jesu Feela. Cwale, kuna ni baana babañata babande hahulu mwa keleke ya ba Jesu Feela. Ki ba bañata batu babande ba Assemblies of God, ba Church of God, Methodist, Baptist, Presbyterian, ni Katolika. Kono hakuna ni yeñwi ya zona yeli Keleke, hakuna ni yeñwi ya zona. Kuna ni mutu anosi mwani yali mwa Keleke. Kono ha ki kopano yani ye ba nani ye ba eza kuba Keleke, inge batu baba lika kueza ka nzila yani. Ku fosahalile. Fa muzuzu fela lu ka fita fafasi ni mife Mañolo nyana mwa linako ze likani.

<sup>109</sup> Eeni, kuba ni kezo fa lifasi, una ni kupepwa ka nama kuli ube ni kezo, mi kupepwa ko ku cwalo ku lueza kuba baba butali sina ha Ni bulezi. Mwabona? Mi luba baba butali, bunangu, maano aluna kona alufa zeo. Kono muhupule kuli kupepwa kwani, ona makalelo luli a teni, a shutana. Ki kwa lifasi mi ku shutana ni Linzwi la Mulimu, bukuba ku Mulimu ni kwa mulelo wa Hae, ki butimbi kwamulelo wa Mulimu. Kambe ne kusi cwalo, Nekudema na ka ziba mane inge Jesu mwa na zibela ka Zona. Mwabona? “Kana ki wena muluti mwa Isilaele?” Mwabona? Mwabona ko ku ya likopano za mina, koo baana baba butali ba mina baba kopana hamoho ni kubuhisana milelo yabona, ni kuina?

<sup>110</sup> Halu boneñi ni mi bulelele se. Nako kaufela Mulimu ha luma Liseli mwa lifasi, ku sesiñwi fa Mañolo, ba matela kwahule ni sona. Mi mutu yani ha sa ile fela, ba eza kopano ku yona. Mi ba sa li ongaonga fela, Ni bata kubuza muituti wa litaba za kale kaufela (mo cwale, kamba ki fa matepu) kuli atahe ani bonise. Ka nako kaufela yeo mutu akile a ongaonga keleke, ne ishwezi ona

fani mi ne isika zuha hape. Za shutana ku Mulimu. Za shutana kwa Mañolo. Kabakaleo Na li lwanisa. Sika kaufela sa lwanisa Mulimu, haiba Mulimu uteni kuna, konakuli Na lwanisa se si lwanisa Mulimu. Sila sa hae ki sila saka. Keleke ya Hae kona Keleke yaka. Bupilo bwa Hae kona Bupilo bwaka. Na file Bupilo bwa Hae, Na tiloba na kuli Na ka sishemo sa Hae nibe sina Yena. Mwabona? Ne lu cincize libaka. Natilo ba mueza libi sina na mi ato ni shwela, mwa sibaka saka, ili kuli Ni be mwana mushimani wa Mulimu sina mwa Na bezi.

<sup>111</sup> Cwale mwa bona ko ku na ni likopano za mina? (Ha lu si ka kalisa.) Butali mwa butali bwa lifasi kono ba shwile kwa mulelo wa Mulimu! Cwale ha lu talimeñi kwa mulaho, luyeme fa fa nako nyana fela.

<sup>112</sup> Adama na shutana ni mulelo wa Mulimu, kakuli na hanyelize Linzwi. Na likile kukezeza sapalo, kuba bulapeli. Ne ku palile, mi kamita kubile kupala, sa lika kueza mutu. Nimrod na fosize. Kora a shwa. Ki sikamañi sene balika kueza? Neli kupanga kopano.

<sup>113</sup> Mi kuzwa fani, hane ba ikongakongile ili bona, Jesu aba fumana, inge ba shwile! Ali, “Muna ni meto kono ha mu boni. Muna ni lizebe kono ha mu utwi.” Mwabona? Ali, “Mu libofu, mu etelela libofu. Haiba sibofu si etelela sibofu sesiñwi, kikuli bubeli bwa bona habana kuwela mwa musima naa?” Ki hali, “Wena u muluti mwa Isilaele, mane haukoni ku utwisisa seo kupepwa sinca kuli sona? Kanti, kambe ne mu ka sikuluhela kwahule ni lizo zeo, ni kuswalelela kwa Linzwi, no ka ziba kuli Ne ni taha kwa kufa batu kupepwa sinca. Ne mu ka ziba lizazi la Ka. Kambe mu zibile Mushe, ne mu ka Ni ziba. Mushe na bulezi ka za Ka mi ki hali Ni ka taha, mi ki Na yo fa! Mi haiba ha Ni ezi lika zeo Mushe ni bapolofita neba bulezi kuli Ni ka eza, konakuli musike mwa Ni lumela. Ha Ni sa ezi misebezi ya Mulimu, konakuli musike mwa Ni lumela. Kono haiba ha mu Ni lumeli, kakuba Mutu, mi haiba ha mu Ni lumeli kakuli Ni Mutu ni kueza misebezi ya Mulimu, kulumela misebezi kakuli ipaka lika ze Ni eza.” Mwabona?

<sup>114</sup> Kono he, sina kacenu, kambe Na pilile mwa lifasi kacenu, ba Assemblies of God ne ba kaba ni iliñwi, ba Oneness ne ba kaba ni iliñwi, mi mutu kaufela na kaba ni Jesu. Luli, kopano ya bona ina ni kulwala mbola. Mwabona? Haiba ha li ezahali, kipeto halina kuezahala. Kuaba sizwale.

<sup>115</sup> Na hupula mushimani yomunyinyani ya bizwa “David Yomunyinyani.” Ki muuna, ya nyezi cwale, Na sepa una ni lubasi. Na hupula ha na kalile pili. Ne niile kwa St. Louis. Ni utwile za mushimani yomunyinyani wa mukutazi, ya na nanuhanga ni kubulela kuli, “Jesu, mushimani yomunyinyani, ya na pepezwi mwa sicelo. Ima, neli sikamañi sani kaufela?” Kono isiñi mushimani yomunyinyani yani. A tubula koti ya

hae, anga palo ni kukutaza. Kono nali sikamañi? Na li wa ba Jesu Feela. Ndatahe, Bo. Walker, neli wa ba Jesu Feela. Kiñi, ba Assemblies ne ba si ka yemela zani. Ne ba na ni ku ikungela David yomunyinyani. Kiñi, babañwi ba bona kaufela b aikungela David yomunyinyani. Mi nako yeñwi mushimani yani hana sweli mukopano kwa Florida, ani biza kuli ni ye ni yo mu tusa. Mi Muzwale Moore ni Na lwa bala makepe amabeli a siemba sa kwa pata a pampili, kusina sika kwanda bo David babanyinyani, keleke kaufela neina ni David yomunyinyani. Oh, bunde! Kiñi, haiba sikwata sa babahulu ba Mulimu ne ba lemuhile mpo ku mwanana yani, na ka fiyelela mioyo ye likiti mwa Mubuso, mwabona; ku mu bulelela kuli a libale sizo sa hae ka muuna ni se si cwalo. Mulimu nana ni mpo mwa bupilo bwa hae, itusise yona!

<sup>116</sup> Fani foliso ya Bumulimu ha i tiswa pili, mañi ni mañi nana ni maikuto mwa mazoho a hae ni ku nunkelela matuku. Mi, oh, mawi! Kiñi? Neba na ni kueza cwalo, kopano ya bona neili mwa lusika lwa kale. Mwabona, muna ni likopano za mina kwapata a mulole wa Mulimu, munahana kuli ku cwalo. Kono Mulimu una ni Keleke ya Hae ka kuswana fela, ki Mubili wa kunutu. Ha mu ikopanyi ku Ona, mu pepwa ku Ona.

<sup>117</sup> Butali mwa butali bwa lifasi, kono ba shwile mwa milelo ya Mulimu. Mu ni bulelele, kanti. Mu ni bulelele, kanti. Mwakona ku ba bulelele ni ku ba bonisa kuli ba fosize, ka Linzwi la Mulimu ni sepiso, mi niteñi habana ku li bona. Na kona kuina fafasi ni kunga Linzwi ni ku mi bonisa kuli kopano ifosahalile. Na kona ku mi bonisa lituto za litumelo ze muna ni kacenu kuli li fosahalile, mwabona, lituto za litumelo za keleke ze. Kubonisa kuli li fosahalile, mi ba ka li, “Kihande, lu lutilwe kulumela *cwalo*.” Mwa bona, kuya ka muhupulo wa ka, ki—ki bucwani bo bu omile, haiba mwa ziba ze Ni bulelele, ki lico za likomu bucwani bo bu omile. Eehe, yeo ki niti. Ha ba boni. Jesu naize, “Mina, hamu—hamu boni, kuli mutahe ku Na mi mube ni Bupilo.”

<sup>118</sup> Neku na ni Nekudema, muuna ya kutekeha, muuna yomutuna, bishopu mwa keleke ya hae, muuna ya zibahala hande, ya latwa kwa sicaba, kono ataha ku Jesu mi kusina za ziba ka za Bupilo kufita—kufita kaufela mo ne sibezi. Na li sitimbi hahulu ku Lona fani Jesu ha mu omanyaka zona, kono na sepahala kuli mane ataha. Babañwi ba bona ne ba si ke ba taha mane. Ne ba yemezi koo ni baprisita baba pahami ni Bishopu wa *Kuli-ni-kuli* ni wa *Kuli-ni-kuli*. Mwabona? Ne ba yemi ni bona, nitaluse kunga lizo za bona za babahulu kufita kuteeleza Linzwi la Mulimu.

<sup>119</sup> Cwale, mwakona ku ba bulelele, habana ku li teezeza. Mwa kona fela kuba . . . Mu nahane fela . . . Ni bata ku mi buza nto yeñwi. Ha ni talusi kuba ni kashwau ka se. Cwale, mizwale ba ba teezeza kwa tepu, Ha ni talusi kuli se si be ni kashwau. Kana mwakona ku nahana kuli ni ye kwande kwani, mi—mi ni muhala

mwa kota wakona ku ni buza, “Kana wena se si ku futokisa cwalo mwalifasi kaufela ki sikamañi? Nina ni bupilo na ipilela, Ni muhala fa kota ye”? Wakona kupaka kuli una ni bupilo, kono ki mufuta o maswe. Haiba ubata ku zamaya kwa ni kwa, nzila fela inosi ya na ka zamaya ka yona, kubona, kulwaza, kuswala, ku nunkelela ni kuutwa, haiba na ka bulela ni ku ni ambota kuli, nzila fela inosi, ki ha na ka pepwa ka nzila yeswana ye Ni pepilwe ka yona. Amen. Na si ke a li utwisisa ka nzila isili fela. Kono haiba u pepilwe ka nzila yeswana ye Ni pepilwe ka yona, kona kuli uka ziba lika ze Ni ziba. Amen. Oh, mawi! Eeni, sha. Hamukoni kubulelela linungo mwa kota mo lu zamaela ni kuba baba ikonela mwa likezo, lina ni kuamuhela mufuta wa bupilo bwa luna kuli i utwisise. Ki nto yeswana ni Moya! Taba yeswana ya zamaelela ni Moya, ku si cwalo hamukoni ku Li utwisisa. Hakuna mukwa wa kulika ku nahanisisa ka Zona kaufela, taha fela ku Yena pili. Kakuli, “Kwanda kuli mutu asepwe sinca, hakoni nihaiba kubona Mubuso,” Na bulezi, koo ku, “ku u Utwisisa.” U lukela kupepwa sinca kuli u U zibe.

<sup>120</sup> “Kihande,” u li, “Ni pepilwe sinca.” Mi u latula Linzwi? Ukona kuba cwani? Bupilo bwa hao tota bu kufa ponahazo ya teni, sikwata sa hao luli so ikopanyize ku sona, linyunywani za mafufa. Mwabona? Mulibelele kufitela lufita fa lika zeo mwa mizuzu yelikani, mwabona.

<sup>121</sup> Utaha ka Moya. Ukona kubulelela cwani batu lika za Moya ba ba si ka pepwa ka Moya? Mu lukela kupepwa ka Moya kuli mu utwisise lika za Moya. Ki. . . Jesu naize, “Moya ufukela mo u lata, ha u koni kubulela mo u zamaela.” Mwabona? Kona ni mutu ya pepilwe ka Moya, mo a sa koneli ku mi bulelela. Mutu ya pepilwe ka Moya hakoni kuikupulela muhupulo, u tuhela Mulimu kuli anahane.

<sup>122</sup> Kana munahana kuli Na kona kuyema fa katala fa, kunga muhupulo ni kubulelela muuna yomuñwi kwa mulaho kwani, “Libizo la hae ki *John Doe* mi na zwelela kwa sibaka sa *kuli-ni-kuli*, na ezize se. Mi na nyezi musali yomuñwi kwa mulaho kwani, myaha ye mashumi amabeli kwa mulaho, mi nana ni bana ka musali yo. Una ni kunga taba ye ku kutisa, ni kueza sa *kuli*,” kana mu nahana kuli, za kuikupulela fela, Ne ni ka kona kueza cwalo? Hakuna butali bo bu cwalo mwa kupepwa kwa lifasi le. Zeo li fitelezi hahulu. Lina ni kuzwa kwa Lihalimu. Mi cwale ha u pepilwe ka Moya, wa kwa Lihalimu, Bupilo bone buli ku Yena Yana ezize lika zani, ali, “Misebezi ye Ni eza, mu ka ieza ni mina.”

<sup>123</sup> Kupepwa kwa hao ku lukela kucinciwa. U pumilwe. Hakulata u bulezi ka malimi, mwendi u tulile ni mwahalimu ni fafasi, mwendi u huwakile, hakulata uezize kaufela se, *sani*, ni *sesiñwi*, ni hakulata ubile membala ya—ya likute. Kona mwa na bezi ni Nekudema, mwabona, kono na sina za kupepwa. Mi ha mu latula Linzwi, kulika ku Li beya kusili ni kueza

sesiñwi ku Lona, ni ku Li hasanya kaufela sina cwalo, mi. . . Jesu ali, “Lisupo ze li ka latelela baba lumela. Muye mwa lifasi kaufela mi mukutaze Evangeli kwa sibupiwa kaufela.” Haibile fela Evangeli ya kutazwa, lisupo ze li ka na li latelela. Mu ni bulelele sibaka ko Akile a si zwisa mwa keleke. Mu ni bonise Liñolo fa Na bulezi, kuli, “Ki fa nako yekuma fa butelele bo bu cwana fela.” Mi naize, “Kwa lifasi kaufela ni kwa sibupiwa kaufela!”

<sup>124</sup> Eeni, muna ni ku amuhela mufuta wa Bupilo bwa Na nani, kuli mupile ni Bupilo bwa Hae. Mi ha mu bona Bupilo bwa Hae, konakuli muka ziba Bupilo la Hae. Yeo ki niti. “Mi Yena,” ki tulokandina twa mutu, isiñi muhupulo, isiñi kuakaleza, isiñi maikuto a mubili, kono “kikuli Yena, ona Moya o Kenile, ha sa tile, Uka nga lika ze Ni mi bulelezi ze, ni ku li patulula ku mina, mi uka ku mi bonisa lika ze sa taha.” Koo kona kupepwa. Yani kona ponahazo ya kuli Ki Linzwi. Mi cwale mutu ha bulelela kuli una ni Moya o Kenile, kono inza latula Linzwi la Mulimu ni ku Li beya kusili fela, kana Moya o Kenile ukona kulatula cwani Linzwi la Hae Tota? Cwale mu ni bonise kopano mwa Linzwi. Ki fo he cwale. Mwabona? Ku lukile.

<sup>125</sup> Kana mwa kona ku nahana ka muuna wa pisinisi. . . Cwale fa kona keleke ya luna fo isiyalezi kwa mulaho. Kana mwakona kunahana muuna wa pisinisi ya kalile businisi kwanu, ki. . . kuli mane ki pisinisi ye zwezipili, mi una ni kuamuhela tuso nyana kapili, mi uya kwa sikwata sa batu baba shwile, litupu, ni kubulelela kuli, “Taha u to ni belekela?” Hakuna zende za kona kufumana ku yema.

<sup>126</sup> Ki kabakaleo kopano ha i si ka zuha kale fateni hape. Mwabona? Sikwata sa ku sa lumela se si putehana hamoho sina Nimrod, sina Kora, inge ku shetumuka mwa lusika cwalo. Kana kukonahala cwani. . . Na si ka itusisa zona, na si ka itusisa kopano. Hakoni kueza cwalo. Se li zwile kale mwa tato ya Mulimu, li fitelezi zeo. Li zwile mwa sibaka, li zwile mwa lipatisiso.

<sup>127</sup> Kana ukona kuya cwani ku mutu yasike ku zamaya, toho ye sitani, lizoho ni lihutu, ku mu bulelelela kuli ubata kuli amate mwa takano ya mahutu ya hao, kumata takano ye ka tibebele, alobezi kwatuko. . . Mwabona? Ukona kueza cwalo zeo kanti mutu yani hakoni neba kushenya, u omelezi luñañali? Mu lukela ku zwisa luñañali ku yena, pili, mi aka kona kumata.

<sup>128</sup> Zeo kona ze itokwa kopano, ki foliso ya Bumulumu. Oh, mawi! Ni sepa kuli ha Ni fumanehi. . . kuutwahala ka kunyaza. Mwabona, Ha ni nyazi, kono haiba mapo ha i si ka swala hande i kumuha ka bunolo. Mwabona? Ki kabakaleo Moya o Kenile ha u koni ku itusisa kopano. Ona fani fela. . .

<sup>129</sup> Muhupule, Ni lumela kuli Martin Luther nana ni Moya o Kenile. Kiniti. Mwendu isiñi ka siemba So liteni kacenu, kakuli



No si ka fiwa kale. Lu se lufitile ku zona, mina sicaba sa tabernakele, kwanu fa limati. Kono na lumela ku Mulimu, “mi ya lumela una ni Bupilo bobusafeli.” Ha ni hupuli kuli nekuna ni mutu ya kile a lumela sina na, kufitela kakusasana cwana, Ne ni utwa Charles Fuller hane Ni ya ni shetumuka. Wa lumela, ni yena, kuli kupepwa sinca ha ki kolobezo ya Moya o Kenile. Kupepwa sinca ki kupepwa. Moya o Kenile kona kolobezo. Mwabona? Ku lukile.

<sup>130</sup> Cwale lu fumana kuli muuna yo una ni kupepwa sinca kuli asebeze. Ku lukile, kuli kupepwa ka nama, konakuli una ni butali bwa lifasi. Mi butali bwa lifasi bu utwela muluti wa bona wa nama. Kiniti. Ki kabakaleo mutu ya sina kupepwa sinca, ni ku mu bulelela Linzwi la Mulimu, uka utwela bo bishopu ba hae, mutoneli wa hae kamba katengo ka hae, mwa sibaka sa Linzwi la Bupilo. Kiñi? Hakuna so li ziba kwanda sani. “Kiñi, mwa ziba, zazi leliñwi Na kona kuba muokameli wa puteho.” Kiñi, Nekudema neli muluti. Yani na fitelela muluti wa puteho, yani na fitelela bo—bo—bo mulisana, na fitelela, yani neli muluti mwa Isilaele. Mwabona? Eeni, mi nali muuna yomutuna, neli wa sikwata se mi na sa zibi ka za Mulimu sina sika kaufela. Mwabona? Kaufela za na ziba neli litaba za kale.

<sup>131</sup> Ki bunde mañi bwa Mulimu wa kale haiba Ha ki ya swana ni kacenu? Ki bunde mañi bwa Mulimu wa Mushe haiba Ha ki Mulimu ya swana kacenu? Ki bunde mañi bwa Mulimu ya na kona kupilisa mutu fa sifapahano kono ki yasike kupilisa ka buino bo buswana kacenu? Sina ha Ni bile ni bulelanga kamita kuli, “Ki bunde mañi bo bu liteni ka kufa nyunywani ya mina lipue zende ni ma vitameni, kuli ikone kuba ni mafufa atiile mi abe amande, ni kuibeya mwa sikalamunanga?” Ha ni li utwi ze cwalo. Kulika ku mu bulelela ka za Mulimu wa mata ni lika zeñwi, ni ku mu kenya mwa kopano ye sa lumeli mwa lika ze cwalo mane. Mwabona? Kaufela li zwile. Kona libaka ha li palelwanga, u shwile. Hamukoni ku itusisa lona. Mulimu ha si ka itusisa lona.

<sup>132</sup> Munahane fela, Moya o Kenile wali kuba, ka nako kaufela, kuitusisa kopano, hakuna Liñolo kamba hakuna nihaiba mwa litaba za kale. Haiba mutu ufi kaufela fa tepu ye, kamba yaliteni mo, uka kona ku ni bonisa koo Moya o Kenile nongile kopano ni kuba ni muzamao mwa lifasi, u to ni bulelela. Ni bata kuli u ni bulelele buka ya litaba za kale ko kuzwa ze cwalo. Mwa ziba kuli ha li yo mwa Mañolo, kacwalo Ni bata kuli mu ni bonise litaba za kale ko i zwelela yeo. Mulimu na si ka itusisa sika kaufela se si cwalo. U itusisanga mutu anosi, kamita.

<sup>133</sup> Ku lukile, kuli apepwe ka Moya. Cwale, ku pepwa ka nama, ni kuba ni butali bwa lifasi, butali bu kana bu utwela muluti wa bona. Ku pepwa ka Moya ki kulumela ni ku utwela tuto ya Bible, ka Moya o Kenile. Mi mutu ya pepilwe ka Moya uka utwela Linzwi la Mulimu hakuna taba kamba sizo si mu bulelela

sikamañi. Ki zona fela. Mu pepilwe sinca, kona libaka ha mu bona. Kuba wa siemba sa kopano, beya sepo ya hao kaufela ku yona. . .

<sup>134</sup> Cwale, ha Ni buleli kuli sicaba mwa kopano ha si si ka pepwa sinca. Cwale, Ni ka fita ku zeo mwa mizuzu yelikani, haiba Mulena alata. Luli, ba pepilwe, kono ki mutu alimuñwi ka alimuñwi. Isiñi kopano kuli ipepilwe sinca; ki batu mutu ka buyena mwani ya pepilwe sinca. Kono kopano i mu kauhanya fela kuzwa ku Mulimu, kona fela ze ieza: kauhano. Ku lukile. Hakuna taba ka nama, kopano iluta za nama, kamita za shutana kwa tato ya Mulimu.

<sup>135</sup> Kuba ya *pepwa sinca* kotalusa kuli “kupepwa ka kuzwa kwa Lihalimu.” *Hape* kotalusa “kuzwa kwa Lihalimu.” Na sepa mwa ziba cwalo, mwabona. Kuba ya *pepwa sinca* kotalusa kuli “kupepwa ka kuzwa kwa Lihalimu.” Cwale, mu ka bona, mwakona kuipalela zona haiba mwa bata, buka ya litaluso za manzwi. Mwabona, kotalusa “kupepwa ko ku zwelela kwa Lihalimu.” Kakuli, mu pepilwe *fa*, cwale kuli mu pepwe sinca. Konakuli Mubuso wani u pahami hahulu kufita mubuso woo, kuli mane mubuso woo uba omutuna kufita mubuso wo, kufitela mubuso wo uba bukuba ku Wani, mi Wani uba o bukuba ku wo.

<sup>136</sup> Sina ha Ni bile ni bulelanga hañata, na ni musala ka fa ha ki kale hahulu ne luilo leka milola ni mafula, kasamulaho likweli nyana cwalo kwa mulaho, mi lwa bona musali yana tinile sikoci. Mi neli nto yenca luli ku ze ne luboni fateni fa nako yetelele.

<sup>137</sup> Kihande, kakusasana cwana, Hani buleli taba ye ka lishwau, Ni utwile iliñwi ya likopano ze zibahala hahulu. Mi mwana ka wa musizana ni Na ne lu teezeza kwa silimba hane lu ya kwa kuneela keleke. Mi pina yene ba opela, neli mufuta wa yeñwi ya *Kuli-ni-kuli*, mifuta yeñwi ya muopelelo wani o utwahala kuna inge musali ya hoha moya wa hae kufitela aba ya sabile kwa sifateho, mi ni kunahana kuli wa opela. Kwani ki kubulela. Ni tabela lipina zende za kale za Pentekota, ze zwelela mwa pilu ya hao. Hakulata haukoni kuba ni linzwi hemele ya mashala, kono niteñi usweli wa opela, unzo ezeza lilata la tabo ku Mulena. Ni sepa kuli zeo ki za moya. Na lata cwalo. Kono zeo za ku pumata kubuyela kwa hao kufitela uba fela wa mubala wa bundilu fa sifateho, ni kushwa mi kipeto ni kukuta, kuli. . . Mane ha u zibi mo u opelela. U kulubela cwani kuli mutu ufi kaufela azibe? Kona cwalo. Jesu naize, “Lu bulela lika ze luziba.” Yeo ki niti. Yeo ki niti. Se lu lukela kueza ki kuopela se luziba mwa lipilu zaluna, mo lu i kutwela.

<sup>138</sup> Mi ha se bafelile, mwana ke wa musizana usweli kuituta za lipina, mi ki hali, “Muzwale,” ki hali, “sani neli se si ipitezi luli.”

<sup>139</sup> Se nili, “Eeni, kono ki babakai kuzwa mwa sikwata sa baopeli baba mashumi aketalizoho sani yo nahana kuli nana ni

kwai mwa munko wa hae wani? Ki makwaya amakai ani mo mu nahanela, maabani ka kuba busihu bwa la Pelekelo, ya na si ke kunwa tucwala nyana? Ki basali babakai mwani bene bana ni milili ye kutilwe? Ki babakai bene ba ipentile, fani bo mulisana ba keleke hane baize ka mazazi nyana afitile, ‘Mulimu na bupile lifasi lelinde ha Na ezize mipende?’” Kanti, lu ziba kuli kuna ni musali alimuñwi mwa Bibeleya ya na pentile sifateho sa hae, mi Mulimu amu fepa kwa linja. Mi luna, mutu kaufela ya ziba sika kaufela ka keleke ni ka bahedeni, u ziba kuli mupende ki za buino bwa buhedeni, kamita kubile ona cwalo. Mi, ibo, basali baezanga cwalo. Mi muuna ya zuba, kunwa, ya zwelapili. Ni kuyema fani ni kuopela, munembo o aswana sina cwalo. Lu ka fita ku zona mwa mizuzu yelikani ona fa. Ku lukile. Kuba wa munahano wa kopano, kanti, kukaba kuswaba kwa Katulo, kuya ka muhupulo waka.

<sup>140</sup> Ku pepwa ka Moya, ki kulumela ni kuikuteka ili wena hande mwa Moya, ki ku utwisisa ni ku lumela ka pilu ya hao kuli Jesu ki Kreste mi Le ki Linzwi la Hae, kuli hakuna manzwi amañwi akona ku ekezwa ku Lona kamba kuzuswa ku Lona kusina libizo la hao ku zwiswa mwa Buka ya Bupilo. Yani neli ye tiile. Haiba mu ekeza sika ku Yona, mwa sizo sa mina, kamba kuzusa sika ku Yona, kihande, Kreste naize, Yena luli kasibili, “Libizo la hao li ka takulwa mwa Buka ya Bupilo.” Cwale, mufumane katengo, kopano mwa Bibeleya. Mu ka mata kuzwa ku yona! Ku lukile. Hakuna taba ka za nama, tuto ya likopano ya shutana ni Bibeleya. Eehe. *Kupepwa sinca* kotalusa “Kupepwa sinca ki kuzwa kwa Lihalimu; kupepwa ki Lihalimu.” Kona kuli luna ni mata azwelela kwa Lihalimu. Oh, mawi! Kakuli Ki yena Kasibili ya sweli kuezwa mwa Linzwi la Hae ka wena, mutai wa Hae, kwa Kota.

<sup>141</sup> Ki kabakaleo Jesu naize, “Ha Ni sa ezi misebezi Ya Ndate, musike mwa Ni lumela.” Oh, kiniti! Na ize, “Hakuna mutu yakile akambamela kwa Lihalimu kono ki Yena ya zwelela kwa Lihalimu.” Amu Mu bone hanza swabisa Nekudema fa, fani Nekudema. . . Mwa ziba, na hupula kuli, Yena ka kuba Mutu, Na sike kuba Mulimu. Mi ki Hali, mi fani Ali, “Hakuna mutu ya kambamezi kwa Lihalimu konji Yena yana shetumukile kuzwa kwa Lihalimu, mane ni yena Mwana mutu yali mwa Lihalimu cwale.” Zani neli zetuna hahulu ku yena. Kana Na ka kona cwani, yena Mwana mutu, a zwe kwa Lihalimu, a *shetumuke* kuzwa kwa Lihalimu, abe yeswana ni ya na *kambamezi* kwa Lihalimu, mi yena ya swana Yana yemi fa halimwa ndu ye, inza ambola ku Nekudema, na liteni cwale *mwa* Lihalimu? Kihande, na lukela kubona kuli neli Mulimu. Yena ufumaneha kai ni kai, kai! Mwabona? Kono yena, mwa lizo za hae, na sa zibi cwalo. Na si ka hupula ka moya. Ngana ya nama, mi ne i si ka li lemuha.

Yena uli, “Kana batu bali ki Na mañi na nili Mwana mutu?”

“Babañwi bali, kihande, ‘Ki Mwana Davida.’”

142 Mi ali, “Cwale kiñi Davida ka Moya hana Mu bizize kuli ‘Mulena,’ kuli, ‘Mulena naize ku Mulena ka, “U Ni ine kwa lizoho la bulyo, kufitela Ni eza lila za Hao kuba fa hatela mahutu a sipula”?” Kuli mane Yena ki zepeli cwalo Mubisi ni Mwana wa Davida; Nali fapila Davida, Nali yena Davida, mi kasamulaho wa Davida. Mwabona? “Ki yena Mubisi ni Mwana wa Davida,” Bibebe ibulezi ona cwalo, sibeli sa Mubisi ni Mwana wa Davida. Kana Ukona kuba cwani Mwana Hae he? Kana Ukona kuba cwani Mulena Hae? Bibebe ibulezi kuli, “Kuzwa cwale kuya kwapili ba tuhela ku Mu buza sika.” Ni sepa kuli neli nto yende, hape. Eeni, sha. Ku lukile.

143 Kupepwa sinca kuzwa kwa Lihalimu. Kona kuli lwawa beleka, lu beleka mwa lika ze zwela kwa Lihalimu, mi, kakuli Bupilo bwa Hae bu ku luna, ili lona Linzwi la Hae le li paka Linzwi Kasibili. Moya oli ku mina kona Linzwi le li ezizwe nama ku mina. Moya u tokomela Linzwi, mi lina ni mata mwa kubonisa hande Linzwi.

144 Cwale, Moya ha u beleki mwa kopano ifi kaufela. Ha ki kuiseza ngana kwa kupanga kopano, kakuli Moya Kasibili wa shutana ni kopano. Kopano ibata lika za lifasi, ngana ya lifasi, mi ba yaha litempele zetuna ni lika ze ipitezi, ni likopano zetuna ze ipitezi, bakutazi baba itutile, ni zeñwi ze cwalo, ni sikwata sesinde hahulu mwa muleneñi. Koo, Moya usweli kulika kufumana lipilu ze sephala koo Moya ubata kupaka ni kubonisa kuli Linzwi la Mulimu kaufela ki la niti. Kana mukona cwani, kana Moya ukona kubeleka cwani mwa kopano kanti wa latula, kunga lituto za litumelo mwa sibaka sa Linzwi? Haikoni kueza cwalo. Kacwalo, mwa bona, i shwile. Mulimu ha yangi kwa libaka zani ku yo fumana za Hae, si—si sikwata sa batu kuli si Mu belekele, kakuli se ba shwile kale. Ha ki baba sa lumeli mwa Linzwi, kusi cwalo habana kuba mwahali mwani. Mwabona? Cwale, lu sweli kueza lika kuzwa kwa Lihalimu. Cwale, Moya utokomela Linzwi. Cwale, yeo ki niti, kakuli Moya ufa Linzwi Bupilo. Mwabona? “Liñolo la bulaya; Moya u fa Bupilo.”

145 Cwale, Ne ni taha kacenu, inge ni talima likota zende mwa mushitu, malundu a matuna, a mubala omufubelu, mubala wa yelo, ni mibala bala ya butala ku ona. Se nili, “Wa ziba kuli sani ki sikamañi?” Se nili, “Ne luna ni fela lifu, mi Mulimu u beile lipoalisa za Hae kwande, ku li yala fa malundu. Ki lipalisa za malilo. Bupilo se bu kutezi mwa liluli. Mulimu u pumbekile fela lipeu za Hae kaufela mwa lipalisa ni lika zeñwi, u li pumbekile mwani, mi U melisize hande lipalisa za Hae kwande. U sweli kutalima fa lifasi kakuli ki lipalisa za maswabi. Kono cwale lizazi ha li pazula hape, peu yani ika ipumanela bupilo hape.” Amen. Ku lukile.

146 Moya wa iseza ngana kwa kupaka Linzwi. Mi haiba mu amuhezi sizo mwa sibaka sa Linzwi. . . Cwale, mu li, “Kihande,

lwa Li lumela kaufela, kono, Muzwale Branham, Na ziba ha lu lumeli Se.” Mi ona fani kona fo mu yemela.

147 Mukutazi wa musole na ni bulelezi nako yeñwi kuli una . . . kuli ki—ki kapitao yana ize, kamba Ni lumela kuli neli nduna wa bulicimende, ali, “Mukutazi wa musole, zamaya kwani, kuna ni kapitao yana shwa. U kunupilwe ka tobolo.”

148 Ki ha ya kwatени, mi kapitao na katazaha luli. Ba mu hohelaa mwa tende ya ba Red Cross, mi ki hali, “Kapitao.”

149 Atalima mwahalimu inge atokota mwa mali, mi ki hali, “Eeni, sha.” Mi ki hali, “Ki wena nduna wa musole.”

“Eeni.” Ki hali, “Wa shwa, kapitao.”

Ki hali, “Na ziba cwalo.”

Ki hali, “Kana u Mukreste?”

Ki hali, “Ne ni banga cwalo.”

150 Ali, “U Mu siile kai, kapitao?” Ki hali, “U ka Mu fumana fo u Mu siile.” Kiniti.

Kapitao sli, “Hani koni ku hupula hande.”

151 Nduna wa masole ali, “Kihande uzibe, hauna nako yeñata konji fela mizuzu ya kubala kihona, kuya ka mo tokotela.” Mulomo no kwaluhile fela, mali inge a ngonga katata mwa mulomo ni mwa lizebe za hae, mi malumo a tobolo nali fela fahalimwa hae. Ali, “Ki hande u akufe, maswafu a hao a ka tala.”

152 Mi kapitao akala ku bilaela, inza lobezi fani inza katazaha cwalo. Lumenyo lwa taha fa sifateho sa hae, ali, “Na ziba cwale.”

Ali, “U Mu siile kai? Kifo kala ona foo.”

153 Ki hali, “Cwale Na lobala fela.” Fani kona fa ha Mu siile, fani kona fa Mu fumani.

154 Mi kopano ya henu ha i luta taba ye shutana ni Linzwi, mu Mu siyela ona fani. Amu kute kifo, kakuli Yena ukona ku zibahaza ni kuezza kuli Linzwi libe niti. Sani kona sa na li sona Jesu, kamita na eza tato ya Ndate. Mwabona? Ku lukile.

155 Kacwalo, mwabona, kutwisiso ya katengo ka Nekudema neitalusa nto isili ku Mulimu. Cwale, hakuna taba kamba na li ndalamiti yetuna, sina mo lu li bizeza, mwa kopano, muluti mwa Isilaele, tuto ya hae kaufela ni kutwisiso ne i sa talusi cwalo [Muzwale Branham uliza munwana wa hae—Mu.] ha na yemi fapila Krete, neli fela kalimelo ku yena. Cwale, Ni nahana kuli batu kaufela bali, “Ndate ya kenile, Nekudema. Ndate ya kenile, Nekudema. Lwa ku kubamela, sha.” Kono cwale Jesu, ha na yemi fapila Mulimu, A mu omanyaka ku sa ziba kwa hae. Kacwalo, mwabona se si ezahala kaufela, mu libale zeo! Kifo cwale, ha lu yeñi ku Mulimu. Yeo ki niti. Ku lukile.

<sup>156</sup> Mane ni yona kutwisiso yetuna ya Kora ne i si ka talusa sika kaufela, kamba ya Adama, mañi ni mañi na latula Liñusa la Mulimu le li pakilwe. Cwale ha lu teezezeñi ka tokomelo cwale, lu ka kena mwa mezi amañwi atungile fa muzuzu. Mwabona, mañi ni mañi wa bona, libaka lene ba kenezi mwa butata, Nekudema, Kora, Nimrod, ni ba bañwi cwalo, kakuli ne ba si ka lemuhana numwana wa Mulimu ni Linzwi le li pakilwe la lizazi lani. Cwale, mañi ni mañi wa ziba cwalo. Cwale, lwakona kuinelela fateni foo nako yetelele. Kono Mulimu u bulezi kale kuli nto yeñwi ika ezahala, mutu u eza likopano, ubeya mutu mwa sikuka sa hae hande. Ne ba lumela kuli nekuna ni Mesia ya na taha. Oh, Majuda bani, oh, mawi, luli! Kono cwale Jesu hana ka mwa Na tezi, se bali, “Yoo hakoni kuba Yena.” Ba palelwa ku utwisisa Linzwi. Cwale, Jesu na si ka taha ka kushutana ni Linzwi (nji Cwani?), kono Na tile ka kushutana ni mutolokelo wa Linzwi kwa kopano. Mushe na si ka taha ka kushutana ni Linzwi, natile hande ka Linzwi; kono Kora apalelwa ku li bona. Mi mwahala zona kaufela kubile ona cwalo.

<sup>157</sup> Cwale mutalime. Liñusa la lizazi le ha li koni kuba sika se si bulela kuli “luna ni Niti mi luna ni *se, sani*,” lina ni ku bulelwa kale mwa Linzwi la Hae! Mi cwale kasamulaho Linzwi limano tiswa, lina ni kupakiwa hande ka Linzwi.

<sup>158</sup> Jesu na pakilwe hande ki Mulimu, ka Linzwi. Ki hali, “Kambe mu zibile Mushe, ne mu ka ziba lizazi la Ka.” Kihande kana bapolofita ne ba bulezi ka Yena, kihande bapolofita kaufela ne ba bulezi sa Nali sona. Mi ibo za ba fougaza, ne ba si ka li utwisisa. Mwabona? Kono Jesu nali . . . Mi ha Ni . . .

<sup>159</sup> Ni bata ku bulela se kwa tepu, ni ku mina, hape. Mwabona, mulumiwa ni Liñusa la lizazi lateni!

<sup>160</sup> Cwale, haiba muya, ba sabat bona ba Seventh-day Adventist bali, “Luna ni yena, mu buluke fela Sabata!” Mu ni bonise zeo mwa Mañolo. Musala Bo. Eddy Baker na bulezi kuli nana ni yona. A mu ni bonise yona. Lipaki za Jehova ne ba bulezi kuli ba na ni yona. A mu ni bonise yona. Mwabona? Ba Methodist bali bana ni yona. A mu ni bonise yona. Ba Baptist ba bulela kuli bana ni yona. Mu ni bonise yona. Mu ni bonise likopano kaufela. Ni mi bonisa ku mina kuli ba cwalo, mañi ni mañi, ba zwile mwa tato ya Mulimu. Yeñwi ni yeñwi ya zona ye shutana, iluta lizo za batu kufita Linzwi la Mulimu. Ha ni zibi neba iliñwi ya zona yekona ku amuhela lika ze ñozwi mwa Bibe ka mo Li ñolezwi. Yeo ki niti. Kono cwale mutu ha taha ni kubulela kuli, “Nina ni Liñusa la lizazi lateni,” una ni kutalimwa hande pili mi ki ya na bulezwi kale kuli wa taha.

<sup>161</sup> Fani Joani Mukolobezi hana zwile kwani, se bali, “Kana ki wena Kreste?”

Ki hali, “Ha ki na.”

Bali, “Kana—kana—kana ki wena Elia nji?”

Ki hali, “Ha ki na.”

Ki ha bali, “Ki wena mañi?”

<sup>162</sup> Na ka itibahaza ili yena, nana ni Liñusa la hola yateñi. Ki hali, “Ni linzwi la ya huweleza mwa lihalaupa, sina mupolofita Isaya ha bulezi. Cwale, haiba kupepwa kwa ka ni bupilo ha bu si ka bapiswa ku zeo, musike—musike mwa ni amuhela.”

<sup>163</sup> Mi Jesu ha taha, neli nto yeswana, nto yeswana. Mulumiwa ni Liñusa, li lukela kuba Liñusa le li bulezwi kale ki Mulimu. Mi kipeto Mulimu, ubulela ka mulumiwa yo, kupaka kuli ki Niti. Kana mwa li utwa nji? Kana mwa utwisisa? Mu utwisise! Ilukela kuba pili kuli SA BULELA MULENA KISONA, ki ze bulezwi kale. Mi kipeto mulumiwa ni Liñusa, lina ni kuba ona cwalo sina mwa na bulelezi Mulimu kuli li ka ezahala ka nako yateñi.

<sup>164</sup> Cwalo kona mwana bezi Mushe. Kona libaka ha na wile fa sifateho sa hae fapila Mulimu, mi ali, “Mulimu, U ni lumile.”

Ki hali, “Ikambuse ili wena kwa sikwata sani.”

<sup>165</sup> Mwabona se Ni talusa? Kamita i bile nto ye lyangani mwa munahano wa mutu, ye ba zwisa mwa tato ya Mulimu. Cwale muhupule, ne li bulezwi kale ka Linzwi la Hae ni kupakiwa hande ka Linzwi la Hae. Cwale, Jesu naize, “Ha Ni sa ezi misebezi ya . . . yona ya Mulimu, konakuli musike mwa Ni lumela. Mwabona, haiba Ni mbwinja . . . Muli, ki mañi wa mina yakona ku Ni nyaza ka sibi? Ki mañi wa mina yakona ku Ni bonisa kuli ha Ni lumeli?”

<sup>166</sup> Nekudema naize, “Lu ziba kuli U . . . Muluti wena, No zwile ku Mulimu, kakuli hakuna yana kona kueza lika zani kwanda kuli Mulimu abe ni yena.” Mwabona? Kacwalo ne ku bonahalile kuli Nali mulumeli.

<sup>167</sup> Cwale, luna baba ziba litaba za kale za keleke. Cwale amu apale likuwani za minahano ya mina. Ha ku si ka fela kale nako, mwabona, kacwalo muteeleze fela ka tokomelo cwale mi Ni ka lika kuakufa fela kapili mo Ni konela. Ni—Ni bata . . . Muteeleze hande kwa tepu. Cwale, mutu kaufela yakile abala litaba za kale za keleke, uziba kuli nako yapili foo Bukreste ha bu kile bwa ongaongiwa, neli keleke ya Katolika ya Roma. Cwale, haiba kuna ni linako zeñwi kusikaba kale zeo, Ni bata kuli mutu ani tiseze litaba za kale mi ani bonise. Ni mulikana Paul Boyd, baituti babañata ba litaba za kale. Ni na ni palo yaka ye mwani yeli, *The Post Nicene Council, The Nicene Council, The Nicene Fathers*, litaba ze kenile kaufela za keleke, ze Ni ziba. Myaha ye seti-sili Ni li balile, ni ku li tallimisisa hande. Nekusina kopano ni yekana. Keleke ya Katolika ki yena me wa kopano. Lu ziba kuli yeo ki niti. Kwali kuba kube keleke ye kile ya ongaongiwa, ye ne na ni kopano, konji keleke ya Katolika. Mi linzwi la kuli *katolika* litalusa “silundwamanji.” Mi ba ezize bulapeli bwa keleke ya naha, ni ku bu eza kuba puso ya Rome, mi ne li bile ni—ni siemba sesinde sa lifasi sene si komile ka nako yani. Neli keleke ya

naha, mi bene ba si ka utwela ne ba bulaiwa. Katengo ka ba Nicaea, mazazi a fifitini a ndwa ya mali, fani baplofita ba niti ba Mulimu, hane ba yemi fani fa . . .

<sup>168</sup> Keleke yaba Katolika, kupalañi ne ikalezi pili, kupalañi, kaufela lwa ziba cwalo, Ni li lutile kwanu. Kuli, luli, Aquila ni Priscilla neli mulisana, Aquila neli mulisana wa—wa keleke ya Maroma. Mi Moya o Kenile ha u to suluha la Pentekota, Wa wela fa Majuda kuzwa mwa naha kaufela ye mwatasa lihalimu. Kono mazazi nyana kuzwa fani, Pitrosi nana ni pono fa situwa sa ndu, kuli aye ku Kornele', wa Muroma, muuna ya lukile, mi a lapela mi Moya o Kenile wa mu wela. Kasamulaho nyana baituti ba kala ku U amuhela. Aquila ni Priscilla bakena mwa—mwa Rome mi ba ikongakonga, kamba, neba kuongaonga, kono ki kubeiwa ka swanelo mwa keleke yapili wa Roma. Mi, ba ma no eza cwalo, neba nani mi—mi mizwale ni likezeli.

<sup>169</sup> Mi Claudius, mwa puso ya hae, a leleka Majuda kaufela kuzwa kwa Rome. Mi yani kona nako luli yeo keleke ya Katolika yama Roma ha ne ibulezi kuli Pitrosi nali mwa Rome. Mu ni bonise Liñolo li liliñwi koo Pitrosi akile aba mwa Rome, kamba litaba za kale kaufela ze bulela kuli nali cwalo. Na si cwalo, kuya ka Linzwi la Mulimu, mi Seo kona se Ni lumela. Mi kana Pitrosi na ka kona cwani, ka kuba Mujuda, kuli ainele milapelo ya milimu ni lika zeñwi ze ba nani, za kulapela milimu ni lika zeñwi? Koo . . . Mwabona? Ukona kulwanisa cwani lituto za hae tota fa? Bukuba. Hacusana ze cwalo ka kushutana ni Baipanguli mo ba inezi. Mulibelele, luka fita ku zona kasamulaho nyana, fa ni fa, haiba Mulena alata. Mulemuhe. Mulemuhe cwale, lu fumana kuli yona nako luli yeo keleke ibulela kuli Pitrosi nali mwa Rome, litaba za kale li bulela kuli Claudius (mi ni Bibebe ibulezi hape) ha laela Majuda kaufela kuzwa mwa Rome.

<sup>170</sup> Mi Paulusi afita mwa Efese ni kutaha kwa libaka ze lumbile kwani, afumana balutiwa bani, mi ki yani nali fahalimu fani inza potela Aquila ni Priscilla. Kasamulaho wa kuya kwa bona, mi mizwale ba Maroma mwa keleke ye bakala ku bupa milelo ya bona, mi ba ikezeza milimu. Mi cwale mwani ku Constantine, kuli mane mahe neli Mukreste wa niti mi sepa kuli mushimani wa hae na kaba cwalo, kono nali mutu wa litaba za naha. Mi abona kuli buñata bwa mwa Rome, kamba siemba sesituna sa yona, neli sa batu ba babotana, ne se ba a muehezi kale puluso ka Krete. Mi cwale ne ba kala kuba baba zibahala hahulu, kakuli ne ba zwisize Venus ni kubeya fateni Maria, ni ku zwise Jupiter ni kubeya fateni Pitrosi, ni zeñwi ze cwalo ni—ni balutiwa, mi neli bulapeli bo bu zibahala hahulu. Mi nebali baba icemezi ka mata. Bona, Bakreste bani ne ba ka shwa!

<sup>171</sup> Mi ba keleke ya Katolika bali, “Ne luli ba simuluho.” Yeo luli kona niti, keleke ya Katolika ne ikalezi kwa Lizazi la Pentekota. Kono ki se sene si mu zusize: na ikongakongile ni ku kenya mwateni (kuzwa mwa Linzwi) lituto za litumelo. Mi tuto



yenca za litapelo, mina sicaba baba na ni lilimo ze lishumi za kupepwa mwa hupula tuto yenca ya tepelo: ku kambama kwa Maria, mwendi ka lilimo ze lishumi kwa mulaho. Tuto yeñwi ya litumelo ye ekezwa kwa keleke. Mwa sibaka za Mañolo, ki tuto ya litumelo! Mi ba ka mi fa kuli mu utwisise ona fa cwale, bona “habana taba ka sa bulela Mañolo, ki se ibulela keleke kihona.”

Bona, muprisita yani na ni bulelezi, kuli, “Mulimu u mwa keleke ya Hae.”

Se nili, “Mulimu u mwa Linzwi la Hae.”

<sup>172</sup> Ki hali, “Kihande, Bible yeo ki litaba fela za kale za keleke ya Katolika.”

<sup>173</sup> Se nili, “Kona kuli kanti Ni wa Katolika ya makalelo.” Se nili, “Sani si ni eza kuba wa Katolika hahulu kufita wena, kanti u muprisita.” Mwabona? Se nili, “Haiba ku cwalo, konakuli Ni wa sani.” Se nili, “Mwa bona, Na lumela ona cwalo fela sene ba lutile ba apositola. Wena u lumela sa beile mutu mwateni.” Mi ona cwalo kona mo ne li yezi. Luli, nekuli cwalo. Ne li zamaile ona cwalo, ona cwalo luli.

<sup>174</sup> Cwale mulemuhe, litaba za kale, mi bakala kueleza lituto za litumelo, lituto za litumelo, mi cwale Paulusi ha taha, lwa ziba, kuya ka litaba za kale, kuli mane na si ka potela keleke yapili yani, kakuli na si ka yemela bulapeli bwa milimu. Mi a potela keleke ya bubeli yene ba yahile, keleke ya bubeli ya Rome.

<sup>175</sup> Mi cwale Katengo ka ba Nicaea kani ha ka taha, ko Constantine na boni mulelo wa ku tamahanya mubuso wa hae. Ona taba yeswana yana ezize Akabe ni Jezabele, ya kunyalelwa kwani. Mwabona? Mi ha bona kolo ya kukopanya sicaba sa hae ni kueza naha yetuna ye mata ku yona, na hupula kuli ne ba ka ba ni bulapeli bwa bona, kacwalo aba ezeza bulapeli bwa naha ni keleke. Mi hane ba bile ni Katengo ka ba Nicaea kani, lipuzo zeñwi za taha za kuli haiba nekuna ni Mulimu alimuñwi, kamba babalalu; kamba ba lukela ku kolobeza ka Libizo la Jesu Krete, kamba Ndate, Mwana ni Moya o Kenile; lipuzo zeñwi ze kaufela za tisa ka—ka kangisano mwahala bona. Mi, hane kubile cwalo, babañwi ba baplofita ba kale bani ba zwa mwateni basina sesiñwi kwanda litalo la ngu le ne baitama mwa liteka, ni kupila miloho. Kiniti! Kono baituti babatuna bani ne se ba yemi kale hande mwa nzila ya keleke, ku ba kwala ka butali bwa lifasi. Kono nebana ni zeli SA BULELA MULENA KISONA. Akena mwa lififi la buhedeni ka myaha ye likana sikiti.

<sup>176</sup> Kono hape atumuka sinca, ni kushoshela. Yeo ki niti. Hamukoni ku I bulaya. “Ni ka kutiseza, kubulela Mulena, myaha kaufela ye li cile lika zee.”

<sup>177</sup> Likopano zani za ekeliza lituto za litumelo. Mi ka kueza se, ku ekeza tuto ya tumelo, nzila fela inosi yeo keleke, nzila inosi fela yeo kopano kaufela ikona kuba kwahule ni Linzwi la Mulimu, ki kueleza lituto za litumelo mwa sibaka sa Mañolo a

kenile, ki kulika kueza sizo sa mina kamba tuto ya keleke ya henu, ni ha ikaba ka kushutana ni Mañolo. Konakuli mukona cwani kunyaza keleke ya Katolika, kanti mueza lika zeswana ze ne ba ezize? Kana mwa utwisisa? Ku lukile. Kona kuli, cwale munahane fela, Mañolo hakoni kupuma! Lituto za bulapeli ki buhata, ka kukala. Mi ha mu amuhela kopano, muna ni kale tuto ya litumelo ona foo, kakuli ki sika se si ekelizwe. Ha si yo mwa Mañolo. Ha si yo mwa Mañolo.

<sup>178</sup> Hakuna sika se si cwalo sa kuli kopano. Jesu na si ka bulela kuli, “Ni mi luma kuli muye mwa lifasi kaufela, mube ni kopano.” Batili, sha, hakuna nto ye cwalo! Kueza se, ki kuhana Mañolo a kenile. Se ha si ezahala, ne si cincizwe kuzwa kwa “Keleke ka kupepwa” kuba “keleke ka lituto za litumelo ni lituto za bulapeli.” Isiñi *keleke*, mutuhele ni kupe swalelo; ndu ya malobalo! Mu pepezwi mwa Keleke, kono muikopanya kwa ndu ya malobalo. Ha ki keleke ya Baptist, keleke ya Methodist, keleke ya Pentekota. Ki malobalo aba Baptist, malobalo aba Pentekota, ni malobalo aba Methodist, mwani kona mo mu i kopanyanga. Haukoni ku ikopanya kwa Keleke. Hakuna sika se si cwalo. U pepilwe ku Yona. Nekudema na bulelezwi cwalo. Kacwalo mwa bona fo muinzi? Oh, mawi!

<sup>179</sup> Ki kabakaleo ha Ni li lwanisa. Ha ni lwanisi sicaba ku zona; ki mulao o Ni lwanisa. Kakuli ha bakoni. . . Alimuñwi wa babahulu bani kamba nto isili, alimuñwi wa zona likeleke zani ha kutaza nto isili ye li mwa Bibeke ye ka shutana ni tuto yani, tumelelo yani ye ba ñozwi mwa keleke mwani, uka lelekiwa ona fani fani kapili. Eni, sha. Zeñwi za zona za nyenyisa luli kuli mane lipalelisa ancafazo kubateni mwa keleke haiba ha ki alimuñwi wa baana ba bona. Kupalañi, bana ni luli. . .

<sup>180</sup> Yomuñwi nako yeñwi na ya ku yo fa mukutazi. . . Ona mwa naha mo, mukutazi yomunyinyani ya yemi kwanu mwa mukwakwa, inza lila ni ku kupa kubaka, ni kubulela kuli, “Taha, amuhela Krete, utazwe ka Moya o Kenile,” ni lika ze cwalo. Mi yomuñwi kuzwa mwa kopano ya Pentekota ataha ku to fa mutu dollar mwa mazoho a hae, mi nana ni kuyo baka kakuli na ezize boozwa ka kufoseza keleke ya habo. Mubulele za Katolika! Yeo ki niti. Mi mwa ziba fo Ni bulela, mane; kamba keleke ye se ieza, nihakuli cwalo. Ku lukile.

<sup>181</sup> Baeza se, kuli ba latule Mañolo, yona taba ye ha i ezwa, i cincizwe kona mi a mu ekeza lituto za litumelo ni kuikopanya kwa kopano, mu amuhezi lituto za mina za makalelo, kakuli ha ki za Mañolo, kacwalo ki sika se si ekelizwe. Mi lituto za litumelo ki sika se si ekelizwe, “kunga sibaka sa sika,” ku nga sibaka sa kupepwa. Ha u amuhela kopano, u ekelize lituto za litumelo. Ku lukile. Zeo ha li ezahala, kona kuli li cincizwe kuzwa kwa “Keleke ka kupepwa” kuba “ndu ya kulobala ka lituto za litumelo ni lituto za bulapeli.” Kakuli, mwabona, ki tuto ya bulapeli ku yona, isiñi ka Mañolo.

<sup>182</sup> Cwale, Jesu na si ka bulela kuli, “Muye mwa lifasi kaufela mu yo eza likopano, muye mu onga-ongwe sicaba hamoho.” Na ize, “Mu ye cwale mueze balutiwa.” Mwa lumela cwalo? [Kopano ili “Amen.”—Mu.] Amen. Kacwalo, mwa bona, mina kaufela mu kwande.

<sup>183</sup> Muteezeze, mutalime faa. Ha lukwaleñi ka nto yeñwi fa, lu koñomeke mwateñi sesiñwi ka kutiya fa nako yee. Ki ba bakai babana ni buka ya litaluso za manzwi a Sigerike, yona *The Emphatic Diaglott* kuzwa mwa sizuma sa muuna litaba zeñozwi, za Sigerike? Ku lukile. Mu ibale, munge munituti kaufela ye mubata. Mukene mwa ndu ya libuka mi munge buka ya litaluso za manzwi, buka ya litaluso za manzwi a Sigerike. Mubale Sinulo 17, mi ha mu bala foo, Litaba za King James fa lili, mi se, “A ni isa mwa Moya; mi Na bona musali ya inzi fa sibatana sesi apezi ze fubelu, sitezi mabizo a—a linyefulo.” Cwale, seo kona sa na bulezi King James. Kono toloko ya makalelo iize:

. . . la ni isa mwa moya . . . mi Na bona musali . . . ya tezi  
mabizo a linyefulo, . . .

<sup>184</sup> Kuna ni shutano yetuna hahulu mwahala “mabizo a kunyefula” ni “mabizo a bunyefuli.” Cwale mutalime. Kaufela luna lwa utwisisa ni kuziba kuli yani neli keleke ya Roma yeneli fa malundu a sebene, inge i zamaisa mibuso ya lifasi. Mi musali na bizwa “lihule,” mane nali “mahe mahule.” Sikamañi? Lihule ki sikamañi? Kana ikona kuba muuna nji? Ilukela kuba musali. Kacwalo haiba ki musali, ina ni kuba keleke; ki yona ye ne li mahe mahule, ki nto yeswana ni mo ne iinezi. Mi mutalime, mutokomele, “Ku yena!” Ha li utwahale. “Ku yena nekuna ni mabizo a bunyefuli.” Ki sikamañi seo? Cwale, bakutazi kwanu ni fa tepu, halu ha lu iketeñi. Ki afi mabizo a bunyefuli ao? Methodist, Baptist, Presbyterian, Lutheran, Mapentekota, ni babañwi cwalo. Mabizo a kunyefula, kakuli ki likopano, buhule ku Mulimu, inge fela mwa na inezi.

<sup>185</sup> Mi bona, mwa likwata zani, sicaba sili, “Kiñi, ki wa Methodist, mi ueza sa *kuli*. Ki wa Pentekota, mi ueza *se*. Ki wa Presbyterian, mi ueza *se*.” Ba eza lika kaufela fa kalenda, mwa ziba cwalo. Mi ki sikamañi seo? Ki mabizo a lukela kuba sina Krete ni kubizwa ka libizo la Bukreste, mi kanti ki mabizo a kunyefula! Ha ki likeleke. Li bizwa ka buhata kuli “keleke.” Ki miyaho ya ku lobala! Cwale mwa bona libaka le Ni lwaniseza kopano? Isiñi sicaba, mulao wa kopano, mwabona, libizo, la kunyefula (mutalime) ki malobalo, likeleke ze bizwa fela ka buhata. Keleke ya Methodist, keleke ya Baptist, keleke ya Presbyterian, keleke ya Pentekota, keleke ya Lutheran, keleke yaba United Brethren, hakuna nto ye cwalo. Zeo mane ha li yo mwa mañolo.

<sup>186</sup> Kuna ni fela Keleke iliñwi, mi hamukoni ku i kopanya ku Yona. Mu pepwa ku Yona. Mu lukiselizwe kale ku Yona. Mubili

wa litangu wa Jesu Kreste. . . Mubili wa kunutu, nitaluse, wa Jesu Kreste fa lifasi fa, ni Linzwi le li bonahalile. Bana ba bashimani ni basizana ba Mulimu, ha ki ba siemba sa lona. “Amuzwe mwahala bona,” A bulela. Eehe.

<sup>187</sup> Mutalime, kapili cwale. Hani lati ku mi katalisa, kono haiba mu ka nifa fela mizuzu yelikani cwale, Ni ka akufa mo Ni konela, kono Ni bata mubone kuli mwa li utwisisa, kuli musike mwa li mbwinja. Mwabona?

<sup>188</sup> Muhupule, mahe Rome, na fumanwi ku yena, a tezi mabizo a kunyefula, mahe mahule. Mi, haiba ki mahule, lihule ki sikamañi? Lihule ki sikamañi? Kinto yeswana ni lihule. Ki musali yapila ka ku sa sepahala kwa buitamo bwa linyalo la hae. Mi keleke kaufela ye ipapata kuba Keleke ya Kreste, mi i latula Linzwi la Mulimu, yona ha i sephali kwa buitamo bwa linyalo la yona! Mi ueza buhule ka kukeza lituto za bulapeli, bumaswe bwa buhule ni lifasi hamoho butali, mwa sibaka sa kuamuhela Kreste ni mata a zuho ya Hae ka Moya o Kenile. Mi ki yena mahe mahule ya ezize lika zeswana. Poto haikoni kubiza ketele “masila,” mwa ziba; mwabona, silezi ku iliñwi, ni licika la twelufu ku yeñwi. Batu babañwi ba zamaya inge baeza lisheha kusoma ba Katolika, ni ku fumaneha ku iliñwi ya lika zeswana zona kasibili. Nali yena mahe wa kolobezo ya buhata mwa mezi. Ki yena mahe wa bupaki bwa Moya o Kenile wa buhata, mi mwa mulatelela cwalo hamoho. Cwale halu bonefi.

<sup>189</sup> “Kana ki niti yeo, Muzwale Branham?” Aku kuze fa nako nyana.

<sup>190</sup> Mwabona, kiyena mahe mabizo a linyefulo, a libaka za malobalo mo batu ba ikenyize, ni kutisa maswabisa, kuipilela busuleni, kutina tuputula, basali ni milili ye kutilwe, baipentakile, ba opela mwa kwaya, bazuba makwai, ba icela mulalelo, mifuta kaufela ye masila ya lifasi, mi ki sitataliso ku ya sa lumeli. Kana Timotea na si ka bulela ka zona, ki Moya o Kenile? Mutalime. Mwabona, musali, Rome, ki mahe wa zona kaufela. Mwabona? Mu ezize fela ona cwalo mwa kopano ya mina kuswana fela ni mwa na ezelize, kubeya lituto za litumelo mwa sibaka sa Linzwi, bakeñisa kuli sikwata sa baana ne siinzi hamoho, batoneli ni ma bishopu ni babañwi cwalo ba bulezi kuli kuna ni kuba ka nzila *yeo*, mi ona zeo kona ze ne ezahalile kwa Rome. Mi wena u sa lika fela, mulisana waka muzwale, ulike kuamuhela Linzwi la Mulimu ka kutala, mi, tokomela fo ka yo wela, ki fande a sikwalo! Cwale lu ka bona haiba Mulimu u ku bulelezi, kamba nee, mwa mizuzu yelikani fela. Mwabona? Ku lukile.

<sup>191</sup> Mwabona, ki yena mahe wa yeñwi ni yeñwi, kakuli neli yena wapili yana takuzi litaba za Mañolo ni kukeza lituto za litumelo, kakuli na hanile baplofita baba tozizwe bene bana ni bupilo bo bu pakilwe, ka Linzwi. Ka butali bwa bona, muuna

ya butali, Mubusisi wa Muroma, ni zeñwi cwalo, yana amuhezi Bukreste, kono ba bata . . . ku li amuhela ka nzila ya bona. Mwabona? Yeo ki niti. Ba li bata ka nzila ya bona fela.

<sup>192</sup> Naamani na bata kufoliswa kwa mbingwa ya hae mwa mezi a naha ya habo, na sa lati mezi a sileze a Jordani. Kono haiba na ka zwisa mbingwa ya hae, nana ni kuzwela kwande kwani mwa sileze sani ona cwalo fela sina mupolofita mwa na mu bulelezi. Mwabona, Mulimu haa kuteki mutu.

<sup>193</sup> Mulemuhe, nali yena kopano yapili. Mutalime bana ba hae ba basizana, neba ezize nto yeswana, neba ekelize lituto za litumelo ni lituto za litumelo mwa sibaka sa Linzwi. Musike mwa ni bulelela; mu ni bonise alimuñwi ya si ka zwa ku Yona. Mu ni bonise mulisana alimuñwi ya ka amuhela Niti, kuli habana ku mi kasheza kwande, kwanda kuli mube baba zibahala hahulu kuli, mwa ziba, bana ni ku mi swalelela kwa kabubo ka mina kamba nto yeñwi. Ku lukile.

<sup>194</sup> Cwale mutalime fa Sinulo 18, ka mizuzu fela yelikani, timana yetatama, kauhanyo yetatama, kasamulaho wa Sinulo 17 imano bonisa ni—ni kubonisa za bulumiwa bwa Mufumahali Babilona yoo. Kauhanyo ya 17 ya Sinulo itatulula kuli ki keleke ye inzi fa malundu a sebene, Munzi wa Vatican, ya busa malena a lifasi kaufela (yeo luli kona niti), ni Baeteleli hamoho, ni babañwi cwalo. Uh-huh. Kacwalo, kono uteni fani, inza sweli sifumu sa lifasi la hae mwa lizoho la hae. Yeo ki niti. “Ki mañi yakona kulwana ni yena?” Yeo ki niti. Luna kaufela lwa ziba cwalo. Kono kiñi ha ukona kuba wa siemba sesiñwi se si tamahani ku yena? Cwale mulemuhe mwa kauhanyo ya 18, yona kauhanyo yetatama luli kasamulaho kunutu ya yona ha se italusizwe. “Uina mwa tempele ya Mulimu.” Cwale, fa, zazi leliñwi . . .

<sup>195</sup> Zella Braitman, kana uteñi mo busihu cwana, Zella? Na tiseze, liteni mwa muzuzu mwani cwale, *Our Sunday Visitor*, koranta ya Katolika. Mi koranta ya Katolika ne i alaba mukutazi. Ali, “Kana ubulezi kuli, revurendi, ki kuli kana . . . Mwa lipalo za Siroma mwani mwa Vatican, kamba fa lubona lwa Popu, ku ñozwi kuli, ‘Vicariivs Filii Dei,’ zeo litalusa, kuli,” mwa muyaho ya Katolika wa diocese kwani, “kuli yani ki—ki nombolo ya sibatana sa Apocalypse nji?”

<sup>196</sup> “Kiñi,” ki hali, “kiniti, ki cona. Ki cona luli, ikwanile hande sikisi handeleti ni sikisite-sikisi. Ki cona luli.” Mi ba diocese ya Maroma ba lumela cwalo, kuli kona moinezi. Kono ki ye fa kalabo ya bona, ye butali, yetezi bunangu, ali, “Kono, mwa ziba, libizo la hao mwa mushobo omuñwi likona ku peletelela lika zeswana.”

<sup>197</sup> Muuna yo ali, “Laka ni lona, ki nto yeswana ka mushobo omuñwi.” A li peletela. Ali, “Mwabona, Ni likana ni sikisi handeleti ni sikisite sikisi, hape.” Ali, “Kuna ni mianda anda ya

bona.” Ali, “Nako kaufela sika kaufela ha si taha, yomuñwi una ni sikisi handeleti ni sikisite sikisi.” Mi ali, “Revurendi, kana wa ziba kuli mwa mushobo omuñwi libizo la hao lakona ku peletelela kuli ki antikreste?” Ali, “Kiñi ha utalima fa lika ze cwalo?” Talima fa butali.

<sup>198</sup> Kono Moya o Kenile wa ziba hande. Mutalime. Leo likona kuba, libizo laka likona kupeletelwa ka kuba sikisi handeleti sikisite-sikisi, kono ha Ni fiti fa linepo zeñwi kaufela. Ha ni ini fa lilundu. Ha ni buleli lika ze. Ha ni mubusisi, mwa bona. Yeo ki niti. Yani ki yena Yasweli kuambola za hae. Kacwalo butali bwa hao bwa lifasi bu ba fela mbango, sha, yeo ki niti, fapila Kubateni kwa Moya o Kenile. Ha ni fiti ku zeñwi ze siyezi, kono yena wa kwana kuzona. “Uina mwa tempele ya Mulimu, inza iponahaza kuli ki Mulimu, mi uinzi fa malundu a sebene.” Ha ni si ka ina fa malundu a sebene, haiba i bulela kuli ki sikisi handeleti ni sikisite-sikisi. Ha ni kwanisi ku amañwi a yona, kono yena wa kwanisa cwalo. Mwabona, ki fo he cwale. Mwabona? Kacwalo muitinge fela fa Moya o Kenile, “Mu si ke mwa itukisa ze mu ka bulela, kakuli ha ki mina mu bulela; ki Ndate.”

<sup>199</sup> Kona kuli butali bwa hao ni Kupepwa sinca kwa Lihalimu likona kubapiswa cwani kwa lika ze fa lifasi, ba—ba mabibo ba batuna ba kuzona? Kiñi, ba ziba makozwana kaufela ni manganandila aliteni. Kana Mushe na yemi cwani ha latelela Litaelo za Mulimu, kuli a nepela fafasi mulamu wa hae mi wa fetuha kuba noha, mi kiha kutaha ba mabibo ba to eza nto yeswana? Kono Mushe ayema inza kuzize, ka kuziba kuli na latelezi Linzwi la Mulimu, mi noha ya hae ya ca kaufela zona. Mwabona? Kacwalo ha mu utwezi ni kunga. . . Ki sikamañi sa ezize nako ya ba isa mwa naha ya sepiso, mi ne kuna ni Liwate Lelifubelu le ne li ba beile mwahali, kono nzila ya Mulimu ne izamaelela ku zona. Amen. Ali, “Muyeme mu kuzize, mi mubone Kanya ya Mulimu!”

<sup>200</sup> Haiba li mwa nzila ya musebezi, wa kulatelela Linzwi, ayema fani mi u bone ha li ka kwaluha. Amen. Nina ni lilimo ze mashumi aketalizoho ka zetalu za kupepwa, nibile ni Mu sebeleza seli lilimo ze mashumi amalalu ni zetalu, kambe Ni nani lilimo likana teni milioni za ku Mu sebeleza. Nali kuba ni Mu bone ha palelwa fateni, haiba Linzwi la Hae li bulukiwa. Yeo ki niti.

<sup>201</sup> Cwale mutalime, kapili kasumulaho wa sibi sa hae, likunutu za hae za zibahala. Lubile ni zeo mwa lusika lo lutelele lwa ziba cwalo.

<sup>202</sup> Cwale kauhanyo yetatama, mutalime fa Sinulo 18. Mwendu Ni apuleñi fela kuyona fa muzuzu fela. Ikona kuba nto yende, haina ku luisa ngela nako yetelele kono ki mizuzu fela yelikani, mi ikona kotalusa nto yeñwi ku mina. Na sepa i ka ba cwalo.

203 Cwale lubona fa, mwa kauhanyo ya 17, timana ya 5:

*. . . fa pata ya lona ne ñozwi libizo la kuli, KUNUTU, BABILONA YO MUTUNA, MAHE MAHULE, NI ZE MASILA ZA LIFASI.*

Mi mutalime.

*Mi Na bona musali (keleke) ya kozwi mali a balumeli, mi ka mali a lipaki za Jesu: . . . ha Ni mu bona, Na komoka mukomokela luli.*

204 Mwabona, ha mu bona, nali nto yende hahulu. Mi nali yena mahe mahule, bulapeli bwa lihule, likopano, ona cwalo fela mwa na ezelize, mwabona, kakuli ne ba kenyzize fela lituto za litumelo sina mwa na ezelize. Cwale amutalime, mutalime fa Sinulo cwale, yeo ki kauhanyo ya 17, ifela ni timana ya 18. Cwale mutalime.

*. . . kasamulaho wa lika ze (kasamulaho kunutu ya hae ifela), hakufelile zeo Na bona lingeloi leliñwi leli zwa kwa lihalimu, lina ni mata amatuna; . . .*

205 Cwale, ki yo numwana yomuñwi yataha ka kushetumuka, kauhanyo yetatama, kunutu ya hae ne i fumanehile. Cwale, ye kona temuho ya kunutu ya hae ni kunutu ya bana ba hae. Mwabona, lwa utwisisa cwale ona sene si mu ezize lihule: kakuli na ezize boozwa kushutana ni Linzwi la Mulimu. Mi sani kona sene si mu ezize kuba kopano. Na sa koni kupila ka keleke ya Bibe ni kuamuhela sani. Mi mane nahaiba kopano ifi kaufela haikoni kunga Linzwi kaufela la Yona (ka mo Li ñolezwi) kuli ibe keleke ya Bibe. Mi hakuna ni yeñwi ya zona ka nzila yeo, ye Ni ziba sika ka yona, hakuna ni yekana. Kacwalo kulo foo, mwabona, ona fani fela isa ikopanya kihona, taba ya eza, (bubeli bwa Mañolo ni ka ponahazo) ishwela ona fo, nako ye i amuhela tuto ya bulapeli. Cwale mutalime, cwale sani kona sene si ezahalile.

206 Mulimu na lumile, mwa kauhanyo ya 18 ye, lingeloi le li mata, kasamulaho kunutu yani imano zibahala, lingeloi le li mata, kamba, mulumiwa. Mutalime fa.

*. . . hakufelile zeo Na bona lingeloi leliñwi leli zwa kwa lihalimu, ka mata amatuna; mi lifasi la benya ka kanya ya lona.*

*Mi ki ha la huwa . . . ka linzwi lelituna, . . . Babilona (ki kulyangana) u wile, . . . mi ufetuhile munzi wa badimona, . . . ni tolongo ya mioya yemase kaufela, ni tolongo ya linyunywani ze masila . . . kaufela ze ileha.*

*Mi macaba kaufela a nwile kwa veine ya buhali bwa buhule bwa hae, mi malena ba lifasi . . . ba pilile ka buhule ni yena, mi balekisi ba lifasi ba fumisizwe ki butuna bwa bumaswe bwa bupilo bwa hae.*

207 Mutalime, kapili kasamulaho kunutu ya hae imano zibahala, yo nali yena, seo nali sona, bao bana ba hae ba basizana nebali bona, kunutu i zibahalile, mi Mulimu aluma lingeloi, mulumiwa kwa (sikamañi?) wa ku ba bizeza kwande, “Amuzwe!” Liñusa la hola!

. . . *Amuzwe ku yena, sicaba sa ka, kuli musike mwa ba ni taba ni libi za hae. . .*

Uka mu kuta. Mutalime.

208 Amuzwe ku yena! Mulimu na lumile lingeloi leli mata, kamba, mulumiwa. Mi Liseli la hae ne li siyo mwa lilulu, Ne li hasanezi mwa lifasi kaufela. Amuzwe ku yena! Sikamañi? Yena musali, ni likezeli za hae, ni yena hamoho. Ku to monyeha lifasi, ni kubiza sicaba sa Hae kuzwa ku lona. Cwale, mwa ziba kuli yeo ki Niti. Mulumiwa na lumilwe kuzwa kwa Lihalimu, ku to biza sicaba sa Mulimu kuzwa mwa Babilona. Mi Liseli la hae la monyeha fa lifasi, Moya o Kenile omutuna.

209 Mulemuhe, Biblele iize, “Ki tolongo, mi i swasize, linyunywani ze masila ze ileha.” Isiñi limbande, cwale, batili, batili, batili, batili. Manoñu, “lika ze masila, linyunywani ze ileha,” kona za na kwalezi bukaufi ni yena. Ki tolongo yetezi fela zona, tolongo mutumbi yetezi fela zona. Itezi sikamañi? “Mabizo a linyefulo,” kushutana ni Mañolo. Timotea wa Bubeli 3 iize, Moya o Kenile wa bulela ili, “Mwa mazazi a maungulo ba ka keluha kwa Tumelo ni ku sikuluhela kwa mioya ye puma.” Hape iize kuli, Moya o Kenile ubulezi cwana: “Kuli mwa mazazi a maungulo ku kaba bainuneki, ba baitumbaeta.” Baba na ni sitoyo: “Kulumbwe Mulimu, u wa siemba sa luna, kamba ha u sina libizo la hao mwa buka ya luna, u latehile.” Hmm. Sitoyo! Masila! Hmm. Ni sepa kuli ha Ni filikanyi, Ni sepa kuli Ni eza hande. Linyunywani ze ileha, ze masila, na li kwalezi.

210 Muhupule, Mulimu ki Mbande. Na ipiza Iliyena kuli ki Mbande. Mi Abiza Jakobo kuli mbande. Mi luna lu limbande nyana za Hae. Amen. Na bizize bapolofita ba Hae kuli “limbande.” Mi lingeloi le la taha ku to patulula mikwa ni kubizeza kwande!

211 Inge liñusa laka lelinyinyani fa *Mbande Ye Shandaula Siyaleto Sa Yona*. Yona mbande nyana yani ne inze ilatelela kuhu ya mushemi yani kaufela ko iya mwa patelo nako kaufela, inge i sweli kulila, kono ne i sa ci lico ze ne ifiwa zani, za sitwaelelo, ni basali ba lifateho ze pentilwe, milili ye kukuzwi, ni tuputula. Ne i sa ezi zeo. Kono ne i sa zibi sika kaufela kwanda kulila kwa kuhu ya mushemi yani. Kono zazi leliñwi mbande ya mushemi ya to i fumana. Ya hau, ku ku biza, yali, “Mwana ka, wena ha u alimuñwi wa bona. Zwa ku yena!”

Ali, “Ima, Ni ka eza sikamañi?”

212 Ali, “Nata mafufa a hao ni kukala.” Kutula kwa pili, ya nata fa musumo, ono li mwahala kopano mwani. Yali, “Mwana ka,



uswanela kutaha upahame nyana kufita foo kusi cwalo ha Ni koni kuku swala. Una ni ku nanula mautu kuzwa fafasi.” Ibata ku mu isa akone kufufa. A lemuha kuli na kona kufufa. Ne i tezi ku to mu bizeza kwande. Yeo ki niti.

<sup>213</sup> Kono Mahe Babilona yo na sa swasize tukuhu nyana, tuzwinyani to tububebe, to tu pentakilwe, milili tukutile, ni kuipiza kuli “Bakreste.” Nana ni sikalamunanga se si tezi fela tona. Mina bakutazi baba yemanga fa katala ni kutuhela basali bani banze baeza zeo, mu no swaba, sihulu kopano ya henu ilukela kuswana hahulu. Mulimu uka litokwa zeo kwa mazoho a hao. Zwa ku zona! “Lingu za Ka liutwa Linzwi la Ka.” Tolongo ya babana ni sitoyo, baitumbaeti, bainuneki, baba lata minyaka hahulu kufita kulata Mulimu, baba tabela kuba fela sina lifasi kufita kuba sina Kreste. Ha mubona musali yana ni mipende yemiñata, si bonisa kuli ki mukungulu mwahali. Ki wa buhata mwahali. Yeo luli ki niti. Haiba musali. . . Ne ni boni yomuñwi zazi leliñwi, ni milili ya mubala wa butala, yeo ki niti, ni lika za mubala o tala zani mwa meto abona.

<sup>214</sup> Cwale, haiba u—haiba—haiba hauna milili ni yekana, mi—mi ubata kutina milili, ikona kuba hande, kono, utine yebonahala sina ya batu. Mi haiba hauna manala kwa minwana, mi—mi ubata kunga manala amañwi, usike watina aswana sina matusi a lisepe za fa mawate, itekele—itekele manala a mande. Haiba hauna zeñwi za lika zeo, ku lukile. Haiba hauna meno ni amakana, itekele amañwi haiba wa a tokwa, i kungele ona. Kono usike wa kumula meeno a hao a filwe ki Mulimu bakeñisa fela kuli asikami nyana, mi haiba ki meno amande, kuli ube ni amañwi. Usike wa penta milili ya hao, kamba nto yecwalo, ni kubonahala fela inge sika se si zwa mwa sileze se si masila kokuñwi. Musike. . . Haiba hamuna mubala, mi mubata kuitibahaza mina bañi kuli kubonahala inge kuli muna ni mubala, ku lukile, Na sepa cwalo. Kono usike wa ikeza kubonahala sina Jezabele, inge sishete kokuñwi ka kuba ya ipentile.

<sup>215</sup> Ni mina mizwale ba Pentekota, mu tuhelela basali bani kukuta milili ya bona, kanti Bibebe ibulezi kuli yani kona kanya ya hae! Mi mane ha ki swanelo kuli kuli alapeli ni milili ya hae ona cwalo. Mi lu sa buleli za kutaha kwa ku kutaza Evangeli, kuopela mwa kwaya, ku luta sikolo sa la Sunda. Mu no swaba! U swale ku banga ni maswabi mutu tuwe. Kiñi ha Ni lwanisa kopano? Mu nahana kuli Ne ni ka iseza ngana kwa sika se si cwalo? Na ziba libaka le mu ezeza cwalo, muzwale. Mwa ziba hande, kono haiba uka luta ze shutana ku zeo, uka sikuluhela kwa mutai omutuna, mi ba ka ku leleka. Kufuyolwe Mulimu ka kutiya pilu kwa hao mina haiba uka eza cwalo. Yeo ki niti. Mulimu uka ku kuteka.

<sup>216</sup> Kana lingeloi le ne li bulezi sikamañi? “Amuzwe ku yena!” Eeni, sha. Lingeloi le la taha mwa lifasi, mi la taha ku to tisa

Liseli, mi la monyeha Liseli mwa lifasi. Na li lingeloi le li mata. Mi ataha ku to bulela Liñusa la kuli “Amuzwe mwa Babilona! Musike mwa swala ze masila za hae!”

<sup>217</sup> Una ni tolongo yetezi ya bona. Ali, “Ki tolongo ya linyunywani kaufela ze ileha.” Eehe, una ni litolongo zetezi zona cwale, isiñi Katengo ka Likeleke za Lifasi, kamba mandu a malobalo. Una ni sikwata sa bona kaufela cwale, kaufela bataha hamoho. A fetuha sikalamunanga, ku lukile, yetezi fela linyunywani ze ileha. Yeo ki niti. Mulike kuambola ku alimuñwi wabona nako iliñwi, ulike fela, mushimani, kotalifa mwa butali bwa lifasi, kono hakuna ze ba ziba za Mulimu sina shakame mo i sa zibeli makatulo a nako ya litwa. Yeo ki niti. Fela, kona fela ona cwalo, kwabona, kona fela ze ba ziba za butali bobuñwi bo bakona kubeya *se* ni kueza *sani* mwateni. Kono cwale ha li taha ku za ku Mu ziba? Huh! Eehe, na swasehile mwa tolongo ya hae ka lituto za hae za bulapeli. Likeleke za baipanguli ne li kalile ka kuswana, ba ba basizana ba hae, ne li tisize se ka kulatula Linzwi la Mulimu. Kuli wa eza. Wa latula Linzwi. Mi ha u amuhela sika sisili kufita Linzwi, u Li latula ili wena. Mi cwale ha mu ikopanya ku yeñwi ya zona, ni fo hape mu latuzi Linzwi. Mulimu halati kuli mube cwalo, hakuna sibaka sa zona mwa Mañolo.

<sup>218</sup> Mulemuhe, le ki lingeloi la Liseli, muhupule, lingeloi la mafelelezo, ki lingeloi mwa lusika lwa keleke ya Laodesia. Ki mulumiwa wa Laodesia, kuli, ki wa mafelelezo, kakuli kauhanyo yetatama luli ki kauhanyo ya 19, yeli Munyaliwa ya taha. Mi se ki kuli, mwa Mañolo, lingeloi la mafelelezo lene litile kutisa Liseli ku si ka taha kale Munyaliwa ku yo katanyeza Kreste. Neli Lusika lwa Keleke ya Laodesia, kanti. Mulumiwa wa Lusika lwa Keleke ya Laodesia neli mañi? Ku ba biza kuzwa mwa Babilona! Mutalime! Likeleke ne li swasehile mwa tolongo ya hae, ni lituto za hae za bulapeli, kulatula Linzwi ni kuamuhela lituto za bulapeli. Le ki lingeloi la Liseli kwa keleke ya Laodesia yene hanile Kreste ni Linzwi la Hae, ka lituto za bulapeli, mi ne ba Mu kashelize kwande. Mi A yema fa sikwalo, inza ngongota, kulika kukena mwahali. [Muzwale Branham ungongota fa katala—Mu.] Mwabona? Lusika lwa keleke ne lu hanile Kreste, mi Kreste ki yena Linzwi, mi ne ba Li hanile, mi yena Nali kwande. Lusika fela lwa keleke lo lu nani loo Kreste ayemezi fande, inza ngongota, kulika kukena mwahali. [Muzwale Branham ungongota fa katala.] Mi Liñusa la lingeloi le, mulumiwa lizwa ku Mulimu, neli tumusa Liñusa la hae fa lifasi, kuli “Amuzwe mwa Babilona! Amuzwe mwa likopano!” Moya o Kenile kacenu, ponahazo ya Moya o Kenile kona lingeloi lani leli lika ku kutiseza sicaba kwa Linzwi, kakuli Moya o Kenile uka paka fela Linzwi. Ha likoni kupakela lituto za bulapeli, hakuna bupilo ku zona. Ki yena Bupilo. Mulemuhe, Lusika lwa Keleke ya Laodesia lu Mu latuzi, ba Mu hanile, mi ba Mu lelekezi kwande.

219 Mulemuhe, lingeloi le ki mulumiwa wa mafelelezo kusikaba kale kutaha kwa Kreste mwa kauhanyo ya 19 ya Sinulo. Linzwi la mulumiwa! Haiba lu lemuha, ha na file Linzwi la hae mwa lifasi, nekuna ni Linzwi lene li utwahalile hape ni mwa Lihalimu, timana ya 4, haiba mubata kuibala, ku lukile, timana ya 4, kauhanyo ki ya 19. Mulumiwa yo fa lifasi na tamahani hahulu ni Mulimu kufitela, ha na li bulezi mwa lifasi, Mulimu a tumusa nto yeswana mwa Lihalimu. Kanti toloko yani ya 4 ki sikamañi? Kana italusa sikamañi? Linzwi la Mulimu libulela kwa sicaba sa Hae se si lemuhilwe kale, kuli, “Amuzwe ku yena!” Ona cwalo fela Linzwi mo ne libezi! Una ni sicaba kwande kwani, mwahala Babilona kaufela. “Muzwe ku yena, kuli musike mwa ikabela kwa libi za hae,” eeni, sha, kuzwa mwa lituto za bulapeli zani ni lituto za litumelo, kwa Linzwi le li ezizwe Moya ni Bupilo. Amen.

220 Mulemuhe, kauhanyo ya 19 kona yetatama, “Kasamulaho wa lika ze.” Kana mulemuhile mo mwa kauhanyo ya 19, “Kasamulaho wa lika ze”? Mutalime sikamañi? Kasamulaho wa sikamañi? Kasamulaho wa Liñusa la kuli “Amuzwe ku yena!” “Kasamulaho wa lika ze,” mutalime, “ki muhuwo wa ba bakenile ba Munyaliwa, ni Munyali, ya ya kwa Linyalo la Ngunyana.” Lu fa kaufi cwani kanti, muzwale? Pizo ya mafelelezo ki ifi? “Amuzwe mwa Babilona!”

221 Cwale, mizwale baka, leo kona libaka le Ni li lwaniseza. Ha ki za mañolo. Halina mayemo sakata. Li pakilwe kuba za buhata. Mulimu ha yo ku zona, Ali kuba abe cwalo, Haana kuba cwalo ni fateni. Cwale, ha Ni buleli kuli hakuna batu mwa likopano ze, kwani kona ko ne i bupezwi keleke. Kono, ibile fela uina mwa mulao wani, u siemba sa yona.

222 Haiba Ni pila mwa United States, Ni mu American. Haibile fela Ni mutu kamba membala wa naha ye ya United States, Ni siemba sa yona. Haiba Ni ya kwa Germany mi ni latula bu membala bwaka fa, kamba buino bwana mwa naha, Ni ka nga buino bwaka mwa Germany, Ha ni sali mu American ni hanyinyani, Ni mu German. Mi haiba Ni ya kwa Japan, kamba kai kaufela, Russia, Ni ba muñaa naha yani kwani.

223 Mi ha u ikopanya ni muña naha . . . mulao, mi abe muñaa naha ya mulao wani, u bonisa seo uli sona. Mi mwa mazazi a maungulo a, Mulimu usweli kubiza sicaba kuzwa ku zona. Biblele ibulezi ona cwalo, “Amuzwe ku yena, kuli musike mwa ba ni siemba ni yena, mi Ni ka mi amuhela. Musike mwa swala ze masila za hae, mwabona, mi Ni ka mi amuhela. Mi mukaba bana ba bashimani ni basizana ku Na, mi na Nibe Mulimu ku mina.” Mwabona?

224 Ki kabakaleo ha Ni bulezi ka kulwanisa keleke, yona—yona ndu ya malobalo. Hani koni ku i biza kuli ki keleke. Kuna ni fela Keleke iliñwi, yeo ki Keleke ya Mubili wa Kreste. Kono libaka

za malobalo ze bizwa kuli “keleke,” Bibebe yaka i ni bulelela kuli ki mabizo a linyefulo, kaufela zona, likopano kaufela. Kiñi ze ba nyefula? *Kunyefula* ki ku “shutana,” kamba, “kubulela ka kulwanisa.” Mi Mulimu ha bulela kuli, “Taha u pepwe,” mi ba li, “Taha u ikopanye.” Mwabona? Mi likolobezo za Moya ha lingiwa ka buhata ka kuyolisa sinkwa mwa keleke ya ba Katolika, ka kuswalana mwa mazoho mwa keleke ya Baipanguli, ni maikuto mwa keleke ya Pentekota, kufita kuli Mutu wa Kreste ataha ni muyaho wa piramidi wani kaufela one lu nani zazi leliñwi.

225 “Muekeze kwa tumelo yamina, mata,” ni zeñwi cwalo, ze kaufela ku Pitrosi Wapili, ya 1 . . . Pitrosi wa Bubeli, Ni lumela, ki kauhanyo ya 1, ko li ekelizwe kaufela kwa tumelo ya hao, lika ze kaufela, bumulimu, ni kukena, ni kukena, ni lika kaufela, mi kipeto u swailwe ka Moya o Kenile.

226 Kono kuswana fela sina mutu yomuñwi . . . batu ba ipapata kuba ni se kanti habana, kakuli ba lutilwe ka buhata. Ba Methodist babanga ni maikuto asili, neba banga cwalo, ni ku nyungana hanyinyani, kamba—kamba kubinela mwa Moya. Mapentekota ba bulela ka malimi, kamba—kamba kuezza sika ka maikuto fela. Na lumela lika zani, kaniti, kono lika zani kusina lika zeñwi ze halina tuso.

227 Sina hane Ni bulezi zazi leliñwi, kuswana sina ngangalukunyi . . . kamba sitengu se si lika kucomeka mafufa a ngangalukunyi ku sona, kamba sibungu se si lika ku icomeka mafufa a nkwilimba. A si ka mela kusona, si a comekele fela kusona. Li cezwi, ki likopano. Kono haiba Mulimu abeya sika mwateni mwani, ki lika za nama. Uikeza ili wena kuli, “Ni ikopanyize kwa keleke maabani busihu. Ha ni sa kona kuya ni kamuta, Ha ni sa kona kunwa ni kamuta, Ha ni koni kuezza se. Ni ikopanyize kwa keleke.” Mwabona, mulika kucomeka mafufa a nalukapwa mwa situpu sa sibungu. Yeo ki niti. Mwabona? Mwabona? Mu lukela kupepwa sinca! Mu lukela ku amuhela Kreste. Mi ha mu amuhela Kreste, hamukoni kuamuhela Kreste kusina kuamuhela Linzwi la Hae, kakuli ki Yena Linzwi. Mi hamuna ni mubonahalelo wa bumulimu, ni kuhana Sani, konakuli Na komoka. Mwabona? Mi wakona kuba wa siemba sa kopano kaufela yo bata kuba ni mufuta wa bulapeli fela, kono niteñi habana Ona.

228 Cwale, ki fo he cwale, balikani. Ki yeo taba yatani kaufela. Mulimu ami fuyole. Mulimu ami tuse. Hani buleli se ka kuba ya shutani. Na i tatulula ili na. Le ka kuba la mazazi a kutuhelisa ndwa, Ha ni nyateli kutwano ya kozo ni mina bakutazi, batili sha, Ni sepa mu lukela kutaha mu to nyatela nina; isiñi nina, kono ni Mulimu, yena Linzwi. Yeo ki niti. Yeo ki niti. Mubulele se ibulela Bibebe, mu Si bulele mo I Si bulelela. Kakuli Bibebe ibulezi kuli, “Ya ka zwisa kwateni kamba kuezza kwateni ze swana.” Mi mwa bona, kopano ha i yo mwa mañolo, mi ha u amuhela tuto ya pili bulapeli kihande fela u i kele kwa mulaho,

bakeñisa kuli u silile mululwani wani. Ha u ka kutela kwa kupepwa sinca, kipeto u ka kena mwa Mañolo.

<sup>229</sup> Mi uya mwa kopano, ba li, “Na ziba, ha lu lumeli ku *Se*. Mabishopu baluna mwa keleke yaluna ba luta kuli lu balibañwi ba likeleke za kale. Ha lu luti. . .” Hanina taba ka se ba sa luti. Haiba Bibeles ya li luta, Moya o Kenile ku mina Uka fepa fa Linzwi. Hakuna taba kamba mutu una ni butali cwani ni mwa kona ku Li tatululela ka nzila isili, bakona ku tatulula ka mafosisa. Ya sa zibi za bumulimu wakona kunga Bibeles ni ku atulula Mulimu ka mafosisa ku wena.

<sup>230</sup> Kabakaleo, hakuna mutu yana ni tukelo ya ku kutaza Evangeli konji haiba ubile cwalo, sina Mushe, kwa mulaho kwani mwatasi a lishabati lani koo yena ni Mulimu ne ba yemi hamoho, kufitela mutu asepwe sinca ni kuyema fani pata ni pata ni Mulimu, mi wa ziba. Hakuna ya sa zibi za bulapeli, hakuna lituto za minahano, hakuna za kutatulula, hakuna munituti mwa lifasi yakona ku zwiwa Zeo ku wena. Noli kwani ha li ezahala! Eeni, sha. Mwa ziba sene si ezahalile.

<sup>231</sup> Mi u li, “Ne ni bile ni kutwisiso ya mufuta o cwalo, mi Ni na ni moya wo ku na.” Mi haiba i latula Linzwi ka mukwa kaufela, muna ni moya o fosahalile. Mu li, “Ha—Ha ni koni kulatelela lika zecwalo sina Ze. Na ziba, kono keleke yaluna. . .” Uh-uh, kuna ni moya o fosahalile. Ki yeo fo nombolo ya mina ya zibahazo. Kaine, u swailwe. Eeni, sha.

<sup>232</sup> Eva na kakanyize fela Linzwi li liliñwi; isiñi kaufela za na bulezi Mulimu, ki Linzwi li liliñwi fela, mi za tisa butuku bwa pilu kaufela ni butuku bwa pilu, ni lifu, ni sibi, ni lindwa, ni lika zeñwi kaufela, libita kaufela, ambulasi kaufela yekile ya huwa, sipatela kaufela ne si yahezwi bakuli. Yena ku kakanya kulikuñwi kwa Linzwi la Mulimu, kona ko kutisize ze kaufela. Mi na lelekezwi kwande, kanti se ne si sike sa ezahala. Kana muka kena cwani mwahali, ku kakanya Linzwi li liliñwi la Teñi? Muli, “Na ziba I bulela *Cwalo*, kono Ki. . .” Italusa fela Sani!

<sup>233</sup> Cwale amutalime. Mulimu una ni kuatula lifasi ka sika sesiñwi. Haukoni kuba ni katulo konji pili ube ni mulao. Ku lukela kuba nto yeñwi, mu lukela ku loba sika fakuli mu atulwe. Mwabona? Mi kona kuli haku koni kuba katulo, kiniti, ha kusina koto. Cwale, mwabona, hamukoni kuba ni mulao mwa tolopo wo bulela kuli “mulatu wa faifi-dollar ka kumatisa mota fa liseli lelifubelu,” mi mulao o tatama uli “batili, wa kona kuya a lukuluhile.” Mwabona, haukoni kueza cwalo. Kacwalo haku koni kuba milao yemibeli ka nako iliñwi. Mi kuna ni mulao ulimuñwi, Mulimu alimuñwi, Buka iliñwi, Krete alimuñwi. Ku felile. Tumelo Iliñwi, sepo iliñwi. Ku felile. Yeo kona Bibeles, Krete.

<sup>234</sup> Mulemuhe cwale, ku se, haiba kuna ni sesiñwi se si ekezwa ku Se, sina ni kuekezwa ki mutu. Halikoni kuba hape kufita. . .

<sup>235</sup> Mi haiba Mulimu uka atula lifasi ka keleke, sina ba Katolika ha ba bulela, kona kuli ki keleke ifi ya Katolika yeo Aka atula ka yona? Kuna ni zeñata nyana za zona; kuna ni iliñwi, ya Maroma; iliñwi, ya Sigerike; mi, oh, kuna ni mifuta yeshutana kaufela. Ki keleke ifi ya Katolika Ya ka atula ka yona? Kamba, mwendi Uka li atula ka ba Lutheran? Kihande, he, mi mwendi Uka li atula ka ba Presbyterian? Mwabona? Ki sikamañi Sa ka eza? Haana ku li atula ka keleke. Uka li atula ka Linzwi la Hae. Kihande, he, Ali kuba . . .

<sup>236</sup> Mwabona, Hakoni kubuluka sikwata sa batu, sina pono ya kezeli busihu bobuñwi, Moya o Kenile no suluhile, Ya kutela ona mwa pongisi yani luli. Kiniti, hakuna se si sweli nto Yani. Ki mutu anosi. Li filwe ku kenisa keleke, kono ha likoni ku Li swala. Hakuna kopano yekona ku Li swala. Ku felile. Ha ku konahali fela. Muna ni lika kaufela mwateni, mi hamukoni kueza cwalo. Kopano haikoni kueza cwalo. Kono ki mutu anosi yana ni Moya o Kenile. Cwale mulemuhe.

<sup>237</sup> Mi haiba Mulimu uka atula lifasi ka Linzwi la Hae, mi Yena kaniti ubile a Li tokomela ni ku Li buluka mwa buino bwa lona. Kamba, haiba Li lyangani, kana Uka tisa cwani katulo? Mwabona? Lina ni kuba nto yeñwi. Mi Na si ka bulela kuli, “Yo kaufela, wa keleke.” Na ize, “Yo kaufela ya ka zusa Linzwi li liliñwi ku Le, kamba ku ekeza linzwi ku Lona, ze swana li ka nga (siemba sa hae) kuzwa mwa Buka ya Bupilo.” Kacwalo, ku na, ki Mulimu, Linzwi la Hae ni katulo. Cwale, haiba Ni atula ni kuamuhela Linzwi, ni kubona sa na shwezi Kreste, kona kuli Ni ka kupa Bupilo bwa Hae kuli bu tahe mi ani zamaise. Mi haiba Bupilo bwa Hae ki Linzwi, mi U ñozi Linzwi, kana Bupilo bwa Hae bu ka ba cwani ku na, mi na ni ipapata kuba ni Moya o Kenile, ni kuekeza lituto za milapelo mwa sibaka sa Linzwi? Ne li si ke za beleka fela. Kana Ni kona cwani kuekeza kopano kanti Wa i lwanisa, ni ku ibonahalisa, ni ku ibonisa mwahala litaba za kale, kuli nako kaufela haba ikopanya ba shwa, ka moya? Oh, ba ipangelanga ma membala, luli. Yeo ki niti. Ba ekeza kwa ma membala. Kono, ka moya, ha ba na ko baya. Mu ni bonise, mu ni bulelele litaba za kale koo keleke kaufela . . . Kasamulaho imano ikongakonga, ya shwa ona fani, Moya o Kenile wa li siya. Hakusana limakazo ni lisupo, mi naile fela mwa butata.

<sup>238</sup> Sani kona sene si ezahalile kwa likeleke za luna za Pentekota. Ne ba ezize ona cwalo luli mo ne ba ezelize bo maa bona. Kwa simuluho, ba zwa, sicaba se si hanile likopano. Cwale, babañwi ba mina mizwale baba teezeza kwa tepu ye, babañwi ba mina baana bahulu, mwa ziba kuli myaha ya kwa mulaho, myaha ye mashumi amane, myaha ye mashumi aketalizoho yefitile, kambe ne ba ka bulela ku mina ka kopano, no ka bulela kuli neli bunyefuli. Kono kacenu mu ba siemba sa lika ze ne mu hupula kuli ki bunyefuli. Mina basali baba kuta milili ya mina ni kuipenta kwa lifateho, bo maa mina ne ba lwanisa zani,

yena mulapeli yomunde—yomunde wa kale wa pentekota yani. Ki sikamañi sene si ezahalile ku wena? Paulusi ali, “No matile hande, ki sikamañi sene si ku tibezi?” Mwabona? Kwa mulaho kwani ne mu lukuluhile kwa lika zeo, kono ne mu bata kuba sina babañwi ba bona.

<sup>239</sup> Ona cwalo fela Samuele mwa na bulelezi. Isilaele nana ni Mulena, mi yani neli Mulimu. Mi se bali, “Samuele, so supala. Lu ezeze mulena, lu bata kuba inge babañwi ba lifasi. Lu bata kuba sina linaha zeñwi. Lu bata mulena ya ka lu zamayanga kwapili mwa lindwa, lubata mulena ya ka lu lwanela lindwa za luna.” Mi za filikanya Samuele.

<sup>240</sup> Ki hali, “Kana Ni kile na nga sika ku mina? Kana Ni kile nanga masheleñi a mina? Kana Ni kile na mi kupa komu kamba sika kaufela? Kana Ni kile na mi kupa sika kaufela?”

Se bali, “Batili. Ha u si ka lu kupa sika.”

<sup>241</sup> Kamba kuli, “Kana Ni kile na bulela sika ku mina ka Libizo la Mulena kono kwanda se si ezahalile?” Kana ki niti yeo? Ki hali, “Konakuli musike mwa amuhela mulena yoo, kakuli uka tisa butata ku mina.”

<sup>242</sup> Cwale Ni bata ku mi buza nto yeñwi, ba Branham Tabernacle. Mu libelezi kuhula kuba tabernakele yetuna cwale. Na kona kuba kwahule fa nako nyana. Na kona kuya kokuñwi. Kutata kubulela ko Mulena uka ni bizeza; mwendi nikabe ni zwile fateni, mwendi kwa mulaho wa simu, mwendi Uka ni bizeza mwa lihalaupa. Hani zibi ko Aka ni bizeza kufitela Jesu ataha. Ni bata ku mi buza nto yeñwi. Kana Ni kile na mi kupa sika? [Kopano ili, “Batili.”—Mu.] Kana Ni kile na mi kupa masheleñi? [“Batili.”] Kana Ni kile na mi bulelela sika kaufela, mwahala lika ze likiti ze Ni mi bulelezi ka Libizo la Mulena, kono, kana ne li si ka ezahala? [“Amen.”] Konakuli musike mwa ikopanya kwa katengo. Ki kulwanisa Linzwi la Mulimu. Muzwe ku zona haiba muinzi ku zona, mi mu kauhane ni ku amuhela Linzwi la Mulena.

Halu inamiseñi litoho za luna.

<sup>243</sup> Mulimu yomutuna wa bapolofita, yena Mulimu wa Abrahamama, Isaka, ni wa Isilaele, muekeze mata, Mulena, kwa Liñusa nyana le li pumakilwe le le libile fa pilu yaka fa nako yetelele, ku ya kwa mizwale baka. Buñata bwa bani kwande kwani, Mulena, bana ni maikuto a fosahalile ku na. Ba nahana kuli Ni bata kuba ya shutana. Ba nahana kuli Ni lika kuba ya ziba lika kaufela. Ba bulelezi batu kuli Ni puma sicaba, sihulu fa lituto za kuli *kolobezo ya mezi* ka Libizo la Mulena Jesu, ni fa *peu ya noha, lihule lelituna*, ni mwahala matepu ani aile kusina sika kwanda Niti yesika zwakiwa. Mi Ni ba kupile kuli, “Babañwi ba mina mutahe mu to ni bonisa fo Ni eza sibi, kamba kusa lumela kamba ku sa toloka hande Linzwi.” Mi hakuna ya konile kueza cwalo. Na Ku lapela, Ndate, tuhela kuli baana ba

ba zibe kuli ba tondahala mwa hola. Ba ka libelela nako yetelele, haiba ha ba lemuhi. Mi cwale, mañi ni mañi . . .

<sup>244</sup> Mulena, Na ziba hande ka se, pilu yaka ne ika lobeha haiba Liñolo le ha ki la niti kuna, fani ha No ize, “Kaufela bao Ndate a Ni file, baka taha. Lingu za Ka liutwa Linzwi la Ka.” Kona kuli, Mulena, Ni sepa kuli Mubuso uteñi luli sina mo U bulelezi, Na ziba ki yona, kuswana sina mutu yana ngile kanyandi ni kuya kwa lisa, ku cimbeke kanyandi ni ku cimbula mifuta kaufela. Ne ku sina, ku kakanya, nekuna ni singongi, nekuna ni liñombwe, mauwi a mwa mezi, linoha, lika kaufela ze ne swelwi ki kanyandi ka Evangeli. Kono kwa mafelelezo, kwa nalule-lule, nkala ya kutela mwa mezi hape, siñombwe sa kutela mwateni, musiyoka wa liza muloli ni kukutela mwa liñope la sileze, inge nja kwa mataza a yona kamba kulube kwa sileze sa yona. Kono nekuna ni litapi za luli mwani, Mulena. Mi Ni na ni ciseho ye, ya kuziba, kuli neba kanyandi ka si ka li tahela kale, ne li li litapi ka nako yani. Ne li pepilwe, lili tapi ze lelitwe kale. Mi kona ni kanyandi ka Evangeli kaka swala mwa ancafazo monainezi. U ziba Beili ba Hao. Taba fela ye Ni na ni buikalabelo ka yona, Ndate, kuya ka mo Ni zibela, ki kuina ka niti kwa Linzwi le. Ki Wena Muñi Ya keta ye swanela hande. Mi Ni ziba kuli hakuna siñombwe se si kona ku ipuma kuba ngweshi, kona mwa kona kuezeza muuna kamba mutu, ya li shushu kwa lizebe bakeñisa Evangeli, kuli akone ku utwisisa Niti. Kakuli Ndate u boni kale se, mi U sepisize kuli kaufela Za ka Kufa kuli li ka taha.

<sup>245</sup> Ndate yakwa Lihalimu, Na Ku lapela kuli mutu kaufela ya utwa Liñusa nyana le, kuli Liseli le li kutalizwe ku lona, ni taluso ye Ni nani mwa pilu yaka ku mutu yomuñwi, ili batu bao No shwezi . . . Ni batu, babañwi ba bona mwani, Mulena, inge sikwata sa bo Korah, baana baba sepahala hande, baba zamaiswa ka bupumi, basweli pizana yekenile mwa lizoho la bona, kono ba shwa. Kiñi, ne ba si ka hana kuli neba pizana ya mulilo isike yaya ni bona; mwan’a Aruni, Eliezare, ki yena yana i lwezi. Mi ba eza ndembela ya aletare ka lipizana zani, kuba tebe, ye bonisa, ni kuba kupuzo ya taba ye maswe tuna yani, ya na likile Kora kueza katengo kaka tamahani kulwanisa mulumiwa wa Mulimui. Libe kwahule ni luna, Mulena. Mi Moya o Kenile kamita u lu sileleze.

<sup>246</sup> Lwa itumela ku Wena, Mulena, kuli keleke ya luna yenyinyani, kona kashandi nyana ka ka kenile kaa. Lilimo zeñata kwa mulaho, lilimo ze mashumi amalalu ni zeñwi ze cwalo, Ne ni kubami mwa simbotela se sitezi bucwani ni mukamo, mi lwa neela sibaka se ku Wena, ona muyaho nyana wo. Mi kale koo mwa tabernaleke yani mwa lilulu kuna ni yona pono yani. Ye ti lo ba teni handende ka swanelo. Isali mwateni. Habana ku i bulumuna, Mulena, ba ka eza fela . . . i ya i supala, mi ba ka i bukeleza fela ka kubeya yeñwi fa halimwa yona. Mulimu, lumeleza kuli Evangeli ya gauda ye ñozwi mwa makepe mo, kuli



Isike ya siya keleke nyana ye kufitela Kreste ataha. Mi cwale membala kaufela, membala kaufela wa Mubili wa Kreste, a tahe kwanu kuzwa mwahala naha ni kupotoloha lifasi, mi mañi ni mañi wa bona a amuhele Liseli, yona Evangeli, mi a zamaye ku Yona mi a amuhele Kreste.

<sup>247</sup> Mi ha libe za niti kuli Manzwi a Hae atalelezwe, “Misebezi ye Ni eza, ki ye ba ka eza ni bona. Ya utwa Manzwi a Ka, mi alumela ku Ya Ni lumile, una ni Bupilo Bobusafeli.” Mi cwale Bupilo Bobusafeli ha bu taha, ba pepwa kuzwa kwa Lihalimu, ni misebezi yezwa ku Mulimu ya iponahaza ili yona, kakuli ki Bupilo bo bu swana bone buli ku Yena. Habukoni kueza sika kaufela.

<sup>248</sup> Kacwalo, Ndate, keleke ye isike ya yendeka bukamusu bwa yona bwa Kuyakuile fa maikuto, fa kopano, fa sika kaufela kwanda Kreste yena Kasibili yapila ku bona, inza paka Linzwi la Hae ka bona ni sepiso ya Hae. Mi, kuzwa ku mwanana yomunyinyani yo mwahali mo busihu boo, kufitela mutu wa ya supezi luli, ba amuhele kutwisiso ye. Mi cwale muuna kaufela kamba musali, mushimani kamba musizana, ya teezeza kwa tepu ye, ha kube cwalo ku yena, Mulena, ni kubafa kutwisiso ye Ni lika fela ku lemusa ni kuzibisa, kakuli hola ye ifelile kufita mo lu nahanela.

<sup>249</sup> Mi lubona Babilona, mahe lihule, ni bana ba hae kaufela ba basizana banze ba ikopanya hamoho. Mulimu, lu lemaha kuli Mañolo abulela kuli mufuka kuzwa mwa simu ya buloto uka tamiwa pili, mwa mañata. Mi ba tamehile mwa mañata, baipiza ka mabizo a linyefulo a sa ba swaneli mane, ha ki a Keleke, mane; ki libaka za malobalo, isiñi likeleke. Kuna ni fela ilinwi ya bona, Ndate, mi yani ki Yona yo No shwezi.

<sup>250</sup> Mi Na lapela, Ndate, halunze lu li bona kaufela linze li tamahana cwale kutahela sinyeho ya mulilo wa atomic cwanofu, Na lapela, Mulena, kuli U konise buloto kubeya ka buñata ni ka bukiti. Lumeleza cwalo, Mulena. Ha lu huleñi mi lu benyise Liseli, mi lube sina Jesu, “Haiba ha Ni ezi lika zeo Mulimu abata kuli Ni eze, konakuli Hanina Bupilo ku Na. Kono haiba Mulimu a bulela ni kubonisa Bupilo bwa Hae, kipeto Seo sa bulela zeili za Sona.” Lumeleza cwalo, Mulena. Ni beya Liñusa le ku Wena, kuli U Li tokomele, ni kutisa likitikiti ze mashumi, Mulena, kamba, bana ba Hao kaufela baba lelezwi kale kwa Evangeli. Ka Jesu Kreste, Yali yena Linzwi, ka Libizo la Hae Na lapela. Amen.

Na lata . . . , Na . . .  
Kakuli u ni . . . latile pili  
Ni kuleka puluso yaka  
Fa kota ya Kalvari.

<sup>251</sup> Ni ka buza puzo. Ki babakai busihu bwa kacenu mwa sicaba se si bonahala se, sa keleke yende ye ya batu, kamba ndu ya sicaba, nitaluse, mwa sibaka sa kulapelela se, baba lumela ka

lipilu za mina kaufela, kuli bupilo bwa mina bu ka likana ni ze tokwahala (mina) za Mulimu ni Bibebe, mi wa lumela cwalo, ka kutalima fa bupilo bwa hao luli, ni kubona Moya mo u zamaela ku wena, kuli bu lumela Linzwi kaufela ka mo Li ñolezwi, ni ku Li buluka? Kana wa Li lumela? Mulimu aku fuyole. Mi Yena a buluke Moya wa Hae ku wena.

<sup>252</sup> Mi ku mulikana ka fa tepu, Ni lakaza kuli kambe ne mu ka talima fela mwahala sicaba se busihu bo, Ni sepa kuli buñata bwa batu ba nanuzi mazoho abona mwa halimu, kuli ba lumela ni kutalima Bibebe, (isiñi se ibulela keleke) ki se ibulela Bibebe, (isiñi se ibulela ndu ya malobalo a bazamai) se ibulela Bibebe, mi ba bona Bupilo bwa Krete ha bu iponahaza ku Yona.

<sup>253</sup> Mwa ziba, mwa mazazi a kale ba si ka ba kale ni mishini ya kushengununisa butale, yona—yona gauda ne ba i natanga gauda ka sando. Ni sepa mu utwile ka zona. Isika ya kale kwa mishini ye shengununa, ba inata. Mi gauda ki butale bo bu bukiti luli, i bukiti kufita lidi. Mi kacwalo Ni ezize nyana za kulafa, mi mwakona kuibeya mwa lishabati mwa mezi mwa mahalaupa, ni kunanula fitisa lizoho la hao mwa lishabati, mi kipeto, “phew,” ni kufuta *cwalo*, mi liluli ni lika kaufela li ka fufa kwateni, macwe, kono gauda yona i bukiti luli ika inelela ona foo. Mi cwale ha u nanula gauda yeo, ye cupwekilwe hahulu mwa masila luli kufitela iba ni amañata luli. Mane ni mwa linako za kutushana kwa musu o cisa kaufela, ina ni sileze ni lika kaufela, masila a butale ni zeñwi za butale ze kopani ni yona. Munati na nga siemba sa gauda se ni ku si nata ni ku i fetula fetula, ni ku inata ni ku i fetula, kufitela anata katata kuli masila kaufela azwa ku yona. Mi mwa ziba mwa na zibela kuli na sa zwisize kwateni masila kaufela? Na boni sibupeho sa hae ha si bonahala ku yona.

<sup>254</sup> Mi cwalo kona Mulimu mwa ezezanga kwa Keleke. U nata lituto za litumelo kaufela, kopano ifi kaufela, tuto ya bulapeli ifi kaufela ya ipangezi mutu, kufitela Abona Bupilo bwa Hae Tota ha bu iponahaza ku wena. “Ha Ni sa ezi misebezi Ya Ndate, musike mwa Ni lumela.” Mwabona? Haiba ze lelelwa kwa Keleke, Bupilo bone buli ku Krete ha bu swani ku wena, usike wa yema ukuzize haiba hamuna pilutelele, mata, lika ze kaufela, ni buiswalo, ni—ni lika, ni bumulimu, ni—ni lika zeñwi, ni bumulimu, ni lilato la batu kamukana, ni lika ze kaufela ze tokwahala ku wena. Hakuna taba ka so ezize, hakuna taba kamba u huwile cwani, kamba ki likeleke zekai zo i kopanyize ku zona, kamba ki mafufa amakai o i comebile fela, usike wa eza cwalo. Libelela kufitela ka ku sepahala, kuzwa mwa pilu ya hao, u kona ku swalela, kufitela mwa pilu ya hao uba ni lilato la batu kamukana. Hakuna taba kamba ba ku kumula mulelu kutaza lizoho kwa neku leliñwi, uka fetula ni lilama leliñwi kuli ba kumule ha munati kusina pilaelo, mwabona, kufitela mata ani, hakuna taba ka se ba bulela ku wena.

255 Ha ba Mu tama lisila kwa meto ni ku Mu nata kwa toho, ali, “Cwale, ba ni bulelela kuli U Mupolofita.” Cwale a zwisa kwa sifateho sa Hae, mi alimuñwi wabona asweli kota, ali, “Ki mañi ya Ku natile? Polofita ni ku lu bulelela, ka manzwi amañwi, konakuli luka Ku lumela kuli ki Mupolofita.” Na si ka atamisa mulomo wa Hae.

256 Ha mu utwa mupolofita ya taha, yana ni likalabo kaufela kwa makilikicani kaufela o mukona kutisa, muhupule, ha ki mupolofita. Kacenu bana ni kuziba lika kaufela, ha u na ni lusinga mi ha mu kaba ni kunyapa mwa mba, ni lika zeñwi kaufela, ni ku mi bulelela zona kaufela. Seo ha ki sibupeho sa Mulimu wa luna. Mutalime bapolofita, mutalime Jesu.

257 Mutalime Paulusi, ha na natile mutu ka bubofu, ni kuli mumbuti amu matisa mwa munzi, “Ni sepa kuli na sa felezwi ki mata a kueza mutu bubofu.”

258 Jesu, Yana kona kuzusa bafu, kono niteni ali. . . Musole ya kozwi na kwezi mati kwa sifateho sa Hae, ni kuhoha ni ku kumula ni ku comola mulelo kwa sifateho sa Hae, ni ku Mu nata kwa toho, ni lisila inge li Mu apesize, bali, “Polofita ni ku lu bulelela ya Ku natile.” Mi na si ka atamisa mulomo wa Hae.

259 Musike mwa iseza ngana kwa baeze ba makilikicani baa. Kono muhupule, bona ba bulela fela, dollar ya buhata ibulela fela kuli kuna ni ya niti kokuñwi. Ha mu bona mikwa ya likopano ze iekezeka ni kufuma, sina mo ibulelezi kuli “ya butali u ka fuma ka lizoho la hae,” muhupule fela, kuna ni Keleke yenyinyani ya Mulimu kokuñwi, luli ki yetezi Moya o Kenile, wa luli, yesweli kupahama manela. Musike mwa talima fa kopano yetuna.

260 Ki keleke yetuna cwani ye bulezwi mwa Bible kufita lusika lwa keleke ya Maefese? Mi cwale Paulusi ha na fitile mwa libaka ze lumbile za Efese, ni kutaha kwa keleke ye, nekuna ni baana baba lishumi ka bababeli ku yona. Yeo ki niti. Mi kaufela bona nebali batu babande, ne bahuwa ni kuba ni nako yende, kono ne ba si ka amuhela kale Moya o Kenile. Paulusi ali, “Ha mu si ka amuhela Moya o Kenile nako ye mu lumela?”

Se bali, “Kiñi, ne lu sa zibi kuli kuna ni Moya o Kenile.”

261 Ki hali, “Cwale ne mu kolobelizwe cwani?” Kambe ne si sika eza shutano, ki sikamañi sa na bulezi kwa keleke yani kwani?

262 Se bali, “Lu kolobelizwe kale ki alimuñwi wa baana babatuna hahulu babakile ba yema mwa lifasi, Joani Mukolobezi, yana kolobelize Mulena luna. Kana yani ha ki yona kolobezo yende nji?”

263 Ki hali, “Batili, sha. Mu lukela ku kolobezwa sinca, kakuli Mubuso u swailwe kwa sika sifi kaufela.” Mi ba si no utwa cwalo. . . Bali, “Joani na kolobelize fela kwa kubaka, isiñi kwa swalelo ya libi, kubulela kuli mu lukela kulumela ku Yena ya

nataha, mi yoo, ki yena Jesu.” Mi ba si no utwa cwalo, ba kolobezwa sinca ka Libizo la Jesu Kreste. Yeo ki niti. Luli. Ba latelela Mañolo.

<sup>264</sup> Mwa ziba, mwa kuneela kakusasana cwana, Mushe na latelezi muyahelo wa na boni mwa Lihalimu, mi a yaha tende kuli i li bonahalise. Fani Solomoni hana yahile tempele, yena (ki sikamañi sa na ezize?) alatelela muyahelo woo Mushe, ka tende, kuli Mañolo abe azamaelela mwa sikuka.

<sup>265</sup> Mi cwale Mulimu hana tile kwa Tempele ya Hae ka mazazi a maungulo, yona Tempele ye, ona Moya o Kenile, “mubili kona O Ni lukiselize,” Moya o Kenile wa suluha ka Lizazi la Pentekota, liñusa neli kuli, “Mubake, mañi ni mañi wa mina, mi mu kolobezwe ka Libizo la Jesu Kreste kwa swalelo ya libi, mi mu ka amuhela mpo ya Moya o Kenile. Kakuli sepiso i ezelizwe mina ni bana ba mina, ni babali kwahule kaufela, mane ni babañata be Mulena Mulimu wa luna akabiza.” Haiba mubata kubiza mukutazi wa mina kuba dokota, Dokota Simoni Pitrosi na ñozi munwelo wa mulyani, ili mulyani wa Kuyakuile. Zeo kona ze folisa bakuli.

<sup>266</sup> Mutuhele lubone haiba babañwi ba ba lekisa milyani ye sa zibahali bao balike, ka kopano, kuli itahe ka nzila yeñwi, kona libaka ha ba na ni. . . Mwa ziba, ha mu sa kopanyi. . . mu ekeza hahulu zeñwi kwa mulyani, wakona kuba. . . hahulu ni sifanu, wakona kubulaya mukuli wa hao. Haiba u sa beyi zeñata hahulu ku ona, wena. . . isiñi ka mulyani wa kufolisa, ha u sa ezi cwalo, hauna kutusa mukuli wa hao. Mualafi wa hao u ziba fela mwa ku ñolela munwelo wa mulyani.

<sup>267</sup> Mi Kreste, yena Moya o Kenile, ki yena Muñoli wa Mulyani, mi Na U ñozi. Musike mwa ekeza ku Ona kamba ku U zwise ku Ona, inwele fela Mulyani ka mo inezi. Ki Kalafo kwa matuku kaufela. Mulimu ami fuyole. Mwa Mu lata naa? Amen.

Na Mu lata, Na. . . [Hakuna manzwi fa  
tepu—Mu.]  
Kakuli U ni latile pili  
Ni kuleka puluso yaka  
Fa kota ya Kalvari.

<sup>268</sup> Cwale halunze lu iñuñuna cwalo, cwale amu fetuhe mi mu swalane mwa mazoho ni yainzi mabapa ni mina foo. Oh, ki muzamai ni yena, yafita.

Na Mu lata, Na. . . (. . . ? . . . yeo ki nto yetuna.)  
Kakuli U ni latile pili  
Ni kuleka. . . puluso

(Amutahe mwa sibaka sa lipula se. Eeni, ni itumezi, muzwale waka.)

Na Mu lata, Na Mu lata  
 Kakuli U ni latile pili  
 Ni kuleka puluso yaka  
 Fa kota ya Kalvari.

Na Mu lata,

Halu i opeleñi cwale.

Na Mu lata  
 Kakuli U ni latile pili  
 Ni kuleka puluso yaka  
 Fa kota ya Kalvari.

<sup>269</sup> Cwale halu inamiseñi litho za luna, lu kwale meeto a luna, lu nanule mazoho a luna ni manzwi a luna ku Mulimu cwale, sina ha Ni mi beya ku mulisana. Lu tabile fa kuba ni mina mo. Haluna ha lu kopano. Haluna mulao kwanda lilato, haluna tuto ya tumelo kwanda Krete, haluna buka kwanda Bibebe. Hakuna mamembla; ki kutwano fela ka Mali a Jesu Krete a lu kenisa kwa ku sa lumela kaufela.

<sup>270</sup> Ku lukile, kaufela hamoho cwale.

Na . . . , Na . . .

Mulimu ami fuyole. Mutahe mu to lu potela hape.

Kakuli U latile pili . . .

Ku lukile, mulisana. U itukisize? Mulimu aku fuyole.

Ni . . .



*LIBAKA LENI LWANISEZA BULAPELI BOBU ONGAONGILWE LOZ62-1111E*  
(Why I'm Against Organized Religion)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda manzibwana, Njimwana 11, 1962, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)